

একা

কামাকীপ্রসাদ চট্টোপাধ্যায়



সংকেত ভবন
৩ শত্ৰুনাথ পণ্ডিত স্ট্রিট
কলকাতা-২০

প্রথম সংস্করণ

আহুয়ারি ১৯৪৮

পৌষ ১৩৫৪

দুই টাকা

শত্ৰুনাথ পণ্ডিত দ্বিট খেকে কামাক্ষী প্রসাদ চট্টো
ভূক প্রকাশিত এবং ঐ ঠিকানা বই বই মাল
। মিটেড থেকে দেবী প্রসাদ চট্টো পাখ্যার কতক

শ্রীযুক্ত প্রেমেন্দ্র মিত্র-কে

এই বইতে যে-সব কবিতা ছাপা হোলো তার মধ্যে কতকগুলি কবিতা ইতিপূর্বে 'সোনার কপাট' এবং 'রাজধানীর তন্ত্রা' নামে আমার আগেকার দুটি পুস্তিকায় ছাপা হয়েছিলো। অছাশ্র কবিতাগুলি নানা পত্রিকায় প্রকাশিত হয়েছে, কেবল 'একা' কবিতাটি অপ্রকাশিত। কবিতাগুলি নানা সময়ে লেখা, তাই নানা কবিতায় আগস্ট আন্দোলন, জাপানি বোমা, ১৯৪৩-এর দুর্ভিক্ষ, ১৯৪৭-এর দাঙ্গা, ইত্যাদি নানা ঘটনার ছায়া পড়েছে। —লেখক

গ্রন্থকারের বইয়ের পূর্ণ তালিকা :

কবিতা

শবরী, মৈনাক, শিবির, সোনার কপাট
রাজধানীর তন্ত্রা,
একা

ছোটোগল্প

অশানে বসন্ত, দ্বিতীয়া

উপজ্ঞাস

পূর্বরঙ্গ

ছোটোদের গল্প

ছায়ামূর্তি, ঘনশ্রামের ঘোড়া,
ছাত্তুবাবুর ছাতা

ছোটোদের উপজ্ঞাস

খেতচক্র

মুচীপত্র

প্রেমিকার জন্ম	১১
বসন্তের প্রথম রাত্রি	১২
বড়দিনের পরের দিন	১৩
বন্দনা	১৪
কৃত্তী	১৫
প্রতিধ্বনি	১৬
তিনজন	১৭
এই গাছ	১৮
রাজধানীর তল্লা	১৯
কুমকুম	২১
দরোয়ান	২৩
দাম	২৫
ফাস্তুন	২৬
এসপ্লানেড	২৮
সোনার কপাট	৩১
ভরাট	৩৩
সময়	৩৪
কোনো নির্জন মুহূর্তে	৩৫
ছায়া	৩৬
অবাধ্য	৩৭
মুখ	৩৮
ঘুম	৩৯
কোনো মুহূর্তে	৪০
টেউ	৪১
সংকেত	৪২
চাঁদের বাড়	৪৩
অক্টোবর	৪৪

কালো পাহাড়	৪৬
স্মরণে	৪৮
হে আকাশ	৪৯
শাদা পথ	৫০
অজ্ঞান	৫২
কোনো সেন্টিমেন্টাল মুহূর্তে	৫৪
দিনাস্ত	৫৬
গোধূলি	৫৭
আঁধি	৫৮
চন্দ্রদান	৬০
শালবন	৬১
সময়হারা	৬৩
আরতি	৬৪
ছুটিতে শান্তিনিকেতন	৬৫
প্রথম পৃথিবীর পর	৬৬
প্রহরী	৬৮
চন্দ্র-করোটি	৬৯
লাইটহাউস	৭০
ঐকতান	৭১
আসমানি	৭৩
কলকাতার অবাক একটি মুহূর্ত	৭৫
বাজার	৭৭
ধুলো	৭৯
আমরা	৮১
আবার অজ্ঞান	৮২
প্যাটকর্মে	৮৩
নাম	৮৪
১৯৪৭-এর ছড়া	৮৫
পুনরুজ্জীবন	৮৬
চেনা	৮৭
একা	৮৮
বিকেলের নদী	৯২

People change and smile : but the agony abides.
T. S. Eliot.

প্রেমিকার জগৎ

সূর্যহীন বিজয়ী স্তব্ধতায়

ধূসর জলের ছায়ার মতো আমাকে ভালোবেসে

গাছে নতুন বসন্তের ইঙ্গিত নেই

অরণ্যের ঈশ্বর আমাকে মুক্তি দাও

আর চুপিচুপি বোলো

কবে থেকে আমাকে তুমি ঘৃণা কর

ক্যান্সারের মতো ।

বসন্তের প্রথম রাত্রি

যে-সমস্ত কথায় এতোদিন নিজেকে ঢেকেছে
কুয়াশা নদীকে যেমন ঢাকে
আর সূর্য যেমন ঢাকে অন্ধকারকে,
আজ প্রথম বসন্তের রাত্রে
তুমি বেরিয়ে এসো তাদের ফেলে ।

কী উত্তর দেবে আজ ?
অন্ধকারে পাহাড়ি ফুলের মতো তুমি
আর তোমার দেহ
গোধূলির শূন্যতার মতো ।

ইতর লোকের মুখে শুনেছি তোমার নাম
প্রফেসারের মুখেও শুনেছি তোমার কথা
আর শিশু যেমন অন্ধকারে ঘুমন্ত হাত বাড়ায়
একান্ত কামনায়
আপিস-ফের্তা সেই রকম তোমাকে চেয়েছি ।

বড়দিনের পরের দিন

কালো বিছাতের মতো দিনের আলোয় কিম্বিকিম
তোমার মন,
অসন্ন অরণোর সবুজ স্তম্ভতায়
নিশ্চুপ ।

তোমার হাত যেন খোদাই-করা সৌন্দর্য ।
অনেক পরিচিত কুয়াশায়
আমরা পাশাপাশি চলেছিলুম
তারপর সূর্য এসে পথ আগলে দাঁড়ালো ।

শীতে কুঁকড়োনে ভিথিরি তিনটি
আর বেকার কুকুর একদিকে ।
দীর্ঘতম রাত অন্ধকারে আর শিশিরে ভিজে
দিনের আলোয় হাসপাতালের ফুটপাথ ।
দূরের গম্বুজে রোদ ঝিকমিক, আকাশ নীল ।

বিচক্ষণ সার্জেনের মতো
কনকনে হাওয়া আমার মধ্যে ছুরি চালালো ।

চাপা ঠোঁটের ওপাশে
জলের ছায়া : আকাশের নীল উত্তান, মেঘের ফুল,
সূর্যস্নান দিন ।

তারপর বর্ষায় একাকার মন ।
তোমার কথা মরুভূমিতে উটের পায়ের চিহ্ন যেন ।

বন্দ্য আকাশ মৃত্যু ছড়ায়
রাত্রি ভাড়াটে চাঁদ আনে ।
ইম্পাতের সঙ্গীত গোলাপী হয়ে উঠলো ।

ঘাঘরার ফেনায় অনেক শতাব্দীর নারী
পাহাড়ে কখনো বসন্ত কখনো বা শীত
দেবদারুর পাতাগুলি সবুজ বিছ্যতের মতো ।

অসুস্থ শয্যায় মুমূর্ষু তারার দৃষ্টি
আলনায় শাড়ি-ব্লাউজ-পেটিকোট ।
দূরে কার বাড়িতে শাঁখ বাজলো—
হে রাত্রি, হে আকাশ, ওগো প্রথম প্রেম ।

কৃতী

হেমন্তের সূর্যাস্ত মেঘের মতো রঙীন মন নিয়ে
অনেক হাজার শুকনো ঘাসের পথ পাড়ি দিলে ।
আজ পিঠ বেঁকেছে, বুক খালি,
দাঁতে পায়োরিয়া, রাতে অনিদ্রা, চোখে ছানি ।

একটি মেয়েকে তুমি ভালোবেসেছিলে,
তার স্বামী রায়বাহাদুর হয়ে মারা গেলো ।
ছোটো ছেলে মেম বিয়ে করেছে,
বড়টি দারোগা ।

অনেকগুলি সূর্যাস্ত পেরিয়ে এসেছো ।
চাঁদের আলোয় মনে ট্যান ধরেছে ।
এখন তোমার একমাত্র ভাবনা :
প্রভিডেন্ট ফাণ্ডের টাকা কিসে খাটাবে ।

প্রতিধ্বনি

সি-গালের শাদা বুকের মতো
কুয়াশা-ঘেরা হাড়ের পাহাড় ।
হে সূর্য ! সেখানে তুমি প্রতিধ্বনি তুলছো
মানুষের সহস্র অনুভূতির,
প্রতিধ্বনি তুলছো বিষণ্ণ বিরহের
আর আসন্ন মিলনের ।

হে সূর্য ! আমি যখন থাকবো না
আমাকে পুড়িও, তবু পুড়িও না
এই সব প্রতিধ্বনিকে
যারা ঝাড়লগ্ননের মতো অজস্র দ্যুতিময় ।

চাঁদকে তুমি শাদা আলো ধার দিও,
পৃথিবীকে দিও সবুজ, মঙ্গলগ্রহকে লাল ।
জীবনকে ধার দিও মৃত্যু
আর মৃত্যুকে ধার দিও এই সব শ্বেত প্রতিধ্বনি
সি-গালের বুকের মতো শাদা আর তাজা ।

তিনজন

আমি তাদের তিনজনকে দেখলুম :
মেয়েটি জমকালো রূপসী,
নীল চোখ, টানা ভুরু, শাদা রঙ ।
ছেলেটি ছ'ফিট লম্বা, নেভি-ব্লু শ্যুটপরা, সুপুরুষ
তৃতীয়জন আমাদের পাড়ার কুকুর,
ভারি অলস, সব সময়েই হাই তোলে ।

তাদের ছ'জনের কথা সবাই বলে,
ছেলেটি কোনো আপিসের ভাবী বড়সাহেব
মেয়েটি নামকরা মেয়ে ।

কুকুরটা কথা বলে না, হাই তোলে,
তাকেই সবচেয়ে বুদ্ধিমান মনে হোলো ।

এই গাছ

এই বজ্রদণ্ড গাছের শিরা বেয়ে

পৃথিবী একদিন ফুল হয়েছিলো, কখনো ফল,

কখনো সবুজ, কখনো সৌরভ ।

শীতের সায়াকে সে আজ দূরের নদী দেখছে,

যেখানে মৃতদেহের দণ্ড হাড়, গুঁড়ো হাড়ের মতো বালি,

চাকার দাগ, যারা বেঁচে রইলো তাদের অশ্রু ।

এই গাছ শুধু দেখছে :

নদীর ওপারের বন ছুঁয়ে চাঁদ উঠে এলো,

নটীর মতো নিটোল, চোখের নীচে কালি,

প্রথমে লাল, পরে শাদা, হাসপাতালের নাসের মতো ।

এই গাছ ভাবছে :

একদিন চৈত্রের ঝড়ে তার দেহ মর্মরিত ছিলো

একদিন ভ্রমরের ভিড় ঘিরে ছিলো স্তাবকের মতো

একদিন পৃথিবী তাকে ছুঁয়েছিলো—

আজ সে-পৃথিবী ভুলে গেছে !

সুদূর ঋতুর মধ্য আকাশে রূপালি-আগুন-লাগা চাঁদ

শীতের শুকনো নদীতে কয়েকটা শেয়াল সস্তর্পণে দূরে

মান্বমাঝে পোড়া-কাঠ আর গুঁড়ো হাড়ের মতো বালি

আর একটি বজ্রদণ্ড গাছ একপায়ে দাঁড়িয়ে ।

অনেক স্বরের কুছাটিকায় ধ্বনিত সায়াহু :

“কোথায় উঠেছেন ?” “ওখ্লাম কত জল ?”

“এই ফুলিশ্ মূভমেন্ট”

(মিসেস দাসের শাড়িতে বুর্জোয়া সেন্ট)

“আর একটু চা ?” “নো, থ্যাঙ্কস্ ।” “ডেভিকোয়

সাড়ে আটটায় ?”

“আমেরিকানরা সভ্য, দেখেছেন টমিরা কী রকম তাকায় ?”

পিঠ-বুক-হাতকাটা জামায়

বললেন মিসেস রায় ।

এদিকে পড়ন্ত রোদের চুগি-পান্না-গলানো আলো

গম্বুজে-মিনারে-মসজিদে অকূপণে ছড়ালো

কয়েক মুহূর্তের বিলাসিতা । কালো বুরখায় সারি-সারি কারা ?

আকাশে কয়েকটি তারা ।

রেডিয়েয় গান, মসজিদে আজান, পথে শ্লোগান,

‘বারে’ পান,

সরকারবাহাছুর আনন্দ যোগান ।

কালো ভেরি বেজে উঠলো :

কালো আর ভারি আর শুক ।

মুখ দেখা যায় না, আকাশে মেঘ, আসন্ন গান্ধীর্ষ ।

“আপনি ডিফিটিস্ট ।”

আমি ডিফিটিস্ট ?

“আপনি এক্সেপিস্ট ।”

■আমি এক্সেপিস্ট ?

“আপনি সেক্রেটারিয়েটে ক্লার্ক ।”

আমি ক্লার্ক ?

রাজধানীর তন্ত্র।

গুনেগুনে পা ফেলে চলি। যত যাই ভাবনা।
কাছে লাগতো ভালো সেলাম করতে জানলে।
(কবিতা কি মৃত্যুর অগ্রদূত ?)
শুধু মাঝে-মাঝে দুঃস্বপ্নে ঘুম ভাঙে :
অতীত স্বপ্নে কথা কয়।
ভবিষ্যৎ দেখা যায় না। সামনে কালো অন্ধকার। ক্রমবৃদ্ধি।
এ-অন্ধকারে পাশাপাশি দাঁড়ালে সবাই সমান।
এ-অন্ধকারে কোনো দূরত্ব নেই।
যমুনায় ডেকেছে বান
স্তব্ধ রাত্রে নেই গান, নেই শ্লোগান।

কুমকুম
(বিষ্ণু দে-কে)

যেখানের মরা পৃথিবী গাছকে
স্তন দেয় না ; আজকে
বাহারি হেমন্ত তাকে নিয়ে
মেঘ-রৌদ্রের পাত্রে সোনা ভাঙিয়ে
যায় ।

শরীর আর মনের অবাধ্যতায়
আমরা চঞ্চল । ইন্দ্র তার বজ্র চালাক,
(আমরা আরো চালাক !)
কঠিন আলোয় শাদায়-কালোয় শাস্ত্রত কণ্ঠের জয়গান
গোয়ালে গরু, মরাইয়ে ধান—
হুলাঁভ স্বপ্ন ।

সকালে বাজার, ছপু্রে আপিস, রাত্রে তাস । নগ্ন
শিশু, ছিন্ন কাঁথা, স্মৃতিকা, ক্ষয়কাশ—
জীবন জ্যামিতির ফাঁস ।

হেমন্তের সূর্যভাঙা সন্ধ্যায় আলোর কুমকুমে
ক্লান্ত চোখ চমকালো । ঘুমঘুমে
নেশায় নিজেকে ভালো লাগলো ।
(সূর্য, তোমার এতো আলো !)
...পিরামিড, গণ্ডোলা-হেলেন...
স্মৃতির কাঁথায় এলেন
ঈশ্বর ।

সৈনিক সময় বিশ্ব'র
বুকে সরীসৃপের মতো

সূর্যভাঙা সন্ধ্যায় আলোর কুমকুম তবু তো ।

কুম্ভকুম্

কবে নীলকণ্ঠের অগ্নি
সুন্দরকে ভস্ম করেছিলো । বিকেলে চিনেবাদাম-ঘুগনি
ফেরি করে । শীতে জড়সড় ।
মনে ঠাণ্ডা সাপ ; মাঝে-মাঝে থর-
রোঁড়ের গান ভেসে আসে ।
সমস্ত আকাশ একটি মেয়ের মুখের মতো ; দু-পাশে
ঠাণ্ডা দিন, ঠাণ্ডা রাত্রি । একটি
সরু রেখায় মশালের স্রোত আঁকাবাঁকা । একটি-
একটি মানুষ : কয়লার পাউডারে, কালির ক্রিমে,
সারিসারি দূরে দূরান্তরে অসীমে ।

হে কুমারী মেয়ে আর ঠাণ্ডা সাপ
কাস্তুর মতো ধারালো গলায় তোমরা জয়গান গাও ।
হে নীলকণ্ঠ !
অসুন্দরকে ভস্ম করে আজ তোমার প্রায়শ্চিত্ত হোক ।

দরোয়ান

হামি জমিদারবাবুর দরোয়ান । সড়কের পাশে
দেউড়িমে থাকি । খৈনি খাই । ঘাসে
লাঠি ঠুকি । রসুই পাকাই ।
বাবু মস্ত রাজা । আছে নোকর-নায়েব-সিপাই
আউর পুরনো মস্ত বাড়ি
আউর বারোটা জুড়ি, সতেরটা হাওয়া গাড়ি ।

বাবুর বড়ছেলে মেট্রিক পাশ দিলো ।
বাবু সাতদিন মদ খেলো ।
দোসরা মহলে বাবুর লেড়কা ভি । মস্ত ভোজ হোলো । বাইজ
নাচলো ; মাইজি
বড়া ভারি সোনার হার বকশিশ দিলো ।
মিষ্টি বিলি হোলো ।

সেদিন খেদিখি আউর তার
লেড়কিকে মাইজি ঝাঁটাপিটে তাড়ালো । হামি জানি কার
ঘরে মাঝরাতে
তার লেড়কিকে মিলেছিলো । (সে বাবুর বড়ছেলে) তাতে
হামাদের কী ?
হামি খৈনি খাই, রসুই পাকাই, দেউড়িমে থাকি ।

বাবুর এক বিটি ভি আছে ।
ডেরাইভারের কাছে
সে ঠাট্টা করতো, হাসতো ভি
মগর মালুম হুয়া নেই তার সাথ ভগবে কভি !
ভিতর-ভিতর বহুৎ গণ্ডগোল : পুলিশ রুপেয়া ঘুষ
হামরা ভি বকশিশ পেয়ে খুশ ।

দরোয়ান

লেড়কি লোটকে এলো

ফুতিসে বাবু আউর লেড়কা দোসরা-দোসরা মহলে বহুৎ মদ

/

খেলো ।

ইসমে তুমার কী, হামার ভি কী ?

হামি জমিদারবাবুর দরোয়ান, দেউড়িমে থাকি ।

সকালে বাসিমুখে চা খাবার আনন্দ

কাগজে তুফান তোলা

হাস্য আজ শেষ ।

কুমড়ো-শাক-বেগুন বগলে বেঁধে

শনিবারের আনন্দ

কৃষ্ণনগরে গিন্নীকে দেখতে যাওয়া ।

ছোকরা চলেছে, চলেছে ছ্যাকরা বুড়ো

কারুর পিসে কারুর খুড়ো

কিসে

হু-পয়সা আসে সেই হিসেবে দড় ।

এখানে রাঁধুনে বামুন নেই

চাকর পালাই-পালাই—

তাই সই ।

তবু কোকিলটা ডাকছে কেন জানো ?

আর শুঁয়োপোকা নিশ্চিন্ত ডিমে তালে

আর টিকটিকিটা আপন মনে পোকা ধরে ।

নেহাৎ বাজে নাও তো হতে পারে ;

কালির আঁচড়, ফাগুন-ঝরাপাতা

আকাশ-ভরা ঝড়ের খুসির খাতা

নৌলচে চোখের ধারে ।

ফাল্গুন

শানানো চোখের সূর্য লোল স্তব্ধতার
আপনাকে করেছে ধারালো ।

ফাল্গুনে আগুন জ্বলে নীল শিখাময়
তারপর রাত্রি ঘনকালো ।

কখনো সৌখীন চাঁদ :

মাথা ঝিম্ঝিম-করা আলো ।

কখনো বাহুড়, কাল-পঁচা, মশা,

পাউডার-স্নো-তে মাজাঘষা

বাতাসে-ফোলা শাড়ির ফাল্গুণ

ভেতরে মানুষ ।

একটু হাসি একটু কান্নায়

নিজেকে রান্না করে সুস্বাদু করা ।

অনেক বাসি-পাপ আর টাটকা পুণ্যে

শূণ্যে

বাসা বাঁধা । .

কৃষ্ণ-সাধা

মন,

সর্বক্ষণ ।

শাদা রোদ্দুরে, লাল মিছিলে,

রাজপথে, ডকে, মিলে,

সঙ্ক্যায়

জনসভায় ।

তারপরে : প্রেম, বিয়ে, ক্রান্তি,

চাকরি বিনে কোথা শান্তি ?

ফাস্তুন

দারুণ জটিল এ-জীবন ।

সকালে শস্তা দোকানে গরম চায়ের ফাঁকে

ভাগ করে কাগজ পড়া ।

পোষা কোকিল নাগরিক বসন্তকে ডাকে ;

কাকে কাকে লড়াই ।

বোষ্টমী গলা সাধে :

কৃষ্ণ-কৃষ্ণ শ্রীরাধে ।

ফাস্তুনে আগুন জ্বলে নীলে

সাইরেন ডাকে জুট-মিলে

এসপ্লানেড

এসপ্লানেডে ট্রাম থেকে নামলুম

তু' চোখে মানুষের জনতা চাখলুম।

হঠাৎ এলুম কোথায় ?

পেঙ্গুইনের দেশে কিংবা সাহারা আফ্রিকায় ?

হাওয়া দিচ্ছে, চৈত্র দিনের হাওয়া

আমের মঞ্জরী, ও মঞ্জরী, আহা !

শরীরে আপিসের স্বাদ

ভাঁজে-ভাঁজে অবসাদ

কেটে বসেছে—

ফিরিজি মেয়েটা লোকটার বড় কাছে ঘেঁষেছে।

সামনে যে-পত্রিকা চান পাবেন : খাসা স্টল

ওখানে চৌরজি, ট্রাফিক পুলিশ, টিমি,

খাকি-কোর্তা, হোটেল ব্রিস্টল।

দূরে গড়ের মাঠ, (পকেট গড়ের মাঠ।),

পাশে কার্জন পার্ক, স্লিট ট্রেন্স,

উলঙ্গ ভিথিরি, পাগল মেয়ে—লোকটা কি ফ্রেঞ্চ ?

আহা, খাসা ফরাসি দেশ !

—টেলিগ্রাম, বাবু টেলিগ্রাম : মহাআজীর অনশন শেষ

সূর্য পশ্চিম আকাশে হামাগুড়ি দিয়ে নামছে

সমস্ত আকাশ, আহা সমস্ত আকাশ সোনা।

মেঘগুলো কি থমকে থামছে ?

হঠাৎ অনেক সোজা-সোজা আলোর তীর

আর গোধূলির বাসন্তী আবির্ভাব

ঝরলো মানুষে-গাছে-পাতায়।

মহাকালের খরচের খাতায়

আমরা কি জমা হলুম ?

এসপ্লানেডে দাঁড়িয়ে সে-কথা একবার ভাবলুম ।

রেস বুক, বাবু রেস বুক, প্যারিস পিকচার,

স্কুল গাল', ফিটন গাড়ি, ম্যালেরিয়ার মিকচার,

আর দাঁতের মাজন

পালাজরের পাঁচন

আর ছোটো স্কার্ট, উন্নত বুক, ফাঁপানো চুল,

চালের আর কাপড়ের দর একেবারে নিভুল

আর দক্ষিণের হাওয়া আর সন্ধ্যার জাফরানি আলো

ছেঁড়া জামা মোটর জমকালো—

সমস্তই এখানে পাবেন ।

এক পয়সায় চার খিলি পান

আর সস্তায় সানলাইট সাবান

না-চাইতে উপদেশ— ত-ও পাবেন

চতুর সহরের হুৎপিণ্ডে এই এসপ্লানেডে যদি খানিক থামেন ।

এখানে দাঁড়িয়ে কি ভাবতে পারেন

রুশদেশে বরফ-গলার সময় এলো কিংবা স্তর আর. এন্.

কী করে বড় হয়েছিলেন ?

ভাবতে পারেন

সমস্ত সৃষ্টির কাছে এ-পৃথিবী আলপিনের মাথার মতোও নয়

কিংবা বড় সায়েবের বড় ছেলে অঙ্কে পেয়েছে ছয় ?

ভাবতে পারেন একদিন আপনি মারা যাবেন

হয়তো আজই কিংবা কাল । (আপনাকে না নিয়েও সংসার

দিকি চলবে) আর ইস্কুলের সেই মোটা রাজেন

জু বিক্রি করেই তিন লাখ জমিয়েছে

এসপ্লানেড

আর মল্লিকা সেন চার বছর ব্যয়স কমিয়েছে ।
ভাবতে পারেন কি আপনি হাসুন
কিংবা বাঁচুন কিংবা মরুন
কারুরই এসে যায় না । ভিড় বলবে : সরুন ।
তারপর ট্রামে চড়বেন আর কালিঘাটের টিকিট কিনবেন
আর যখন বাড়ি ফিরবেন তখন অন্ধকার
কিছুই মনে থাকবে না—উৎসাহও থাকবে না বাইরে যাবার

সোনার কপাট

মাঠ মাকড়সা ইঁছর

আলতামাথা পা একমাথা সিঁছর—

এরা নিকট আত্মীয় ।

আকাশ ঝরিয়ে ছু-চোখ ভরিয়ে আমায় দিয়ে

অনেক-অনেক খুসির বুনুনি ।

হে দিন হে রাত্রি, হে কুরুপা পাত্রী

তোমাদের সবাইকার

সম্বন্ধ নিকট । নমস্কার ।

যেদিন জেনেছিলুম তোমাকে

যেন চকিত দেখা পেগুম ইন্দ্রধনুর বাকে

বিস্তীর্ণ রাজ্য ।

ক্ষীরনদীর দেহের ওপর পোষাক (চাকরের সাহায্য

তার ওপরে মাথা

তারো ওপরে মুকুট ছাতা

শান্তি সেপাই :

হায়, শাস্তি নেই, বিসজ্ঞ নী বেজেছে শানাই ।

এই সব মরাকাঠের দেহে

চিড় ধরেছে রঙ ফেটেছে, (কেহে !

বেশুরো বক্ছো ?

তারার জ্যোৎস্নায় নিজেকে সঁক্ছো ?)

ব্ল্যাক্-আউট দেখতে বেরিয়ে

মিসেস্ সেন-কে সঙ্গে নিয়ে ।

ভোতা সময় হয়তো স্বচ্ছন্দে কাটবে

অনেকদিনের পুরনো মন অতীতকে চাটবে !

সোনার কপাট

তারপর ব্যাগি-ট্রাউজারে

পা ডুবিয়ে, বাহারে

সোফায় মেদের অস্বাস্থ্য ঢেলো।

আর বোলো : ‘আমরাই আস্ত।’

আমার বসন্তে রঙ ধরেছে

আর কোনো মেয়ে এশিয়ার আকাশ জয় করেছে।

ভ্রমর তার চোখে,

জুতোর সোলে মৃত প্রজ্ঞাপতি ; নোখে

ক্যুটেক্স।

সাইকলজি আর সেক্স

আর সরু কোমর আর আধগজ সিন্ধের

তিনটে ব্লাউজ দিয়ে আড্ডা বিকেলের।

হে সূর্য, হে জ্বলন্ত মাঠ,

আমায় পুড়িয়ে খোলো সোনার কপাট

ভরাট

ধানশীষ রোদদুরে টাটকা মাঠে
কাস্তুর বিছাতে শক্ত মুঠি ।
সন্ধ্যার চাঁদোয়ায় নীলচে তারায়
আসল ছুটি ।

টলটলে চোখ দুটি শান্ত খুসি,
পলাশ তোমার রাঙা আঙুল যেন ;
কাজল রেখায় চোখ দীর্ঘ করে
ডেকেছে কেন ?

বাতাসে অরণ্য এলো অনেক দিনের ;
আকাশে চাঁদের শাদা মুকুট জ্বলে ;
একটি তারার মতো নিজেকে নিয়ে
যাচ্ছে চল ।

ধানশীষ-ছায়া মাঠে হালকা খুসি
কাস্তুর বিছাতে একটি মেয়ে ।

সময়

জীবন্ত সময়খানি আকাশের সামিয়ানা যেন
বারেবারে উড়ে যায়, বারেবারে ফিরে আসে কেন
সেই কথা ভাবি একা সায়াফের সঙ্গীহীন ক্ষণে
সেই কথা হানা দেয় এ-মনের ছরন্ত গহনে ।

নাটকীয় নাভিস্থাসে জল আর স্থলের প্রস্তাবে
নতুন পৃথিবী গড়া, কামনার বিষম্বতাখানি
বয়সের শৃঙ্খতাকে এঁকে দিলো কঠিন বাস্তবে
সরল তির্যক সুরে—তার কথা সবটাই জানি ।

তবু আজ গান গাই । সায়াফের আধ-ফোটা তারা
এখনি হারিয়ে যাবে রেখে শুধু মৃত্যুর পাহারা ।

কোনো নির্জন মুহূর্তে

এ-অশান্ত হৃদয়ের স্পন্দন শুনেছি বহুদিন
ভুলে-যাওয়া গানগুলি তুলে নিলো সময়-বিলীন
তোমার আরক্ত মন ।

নির্জনতা দিয়ে

নির্জন প্রাসাদ গড়ে ঘুরিয়ে-ফিরিয়ে
কার পদধ্বনি শুনি ।

মৃত্যুর মতন বয়ে যায়

অন্ধকারে কালো স্রোত দূরান্তরে অশনি ঝঙ্কার ।

হে অশান্ত মন ! তোমার চূড়ায়

স্বাতী নক্ষত্রের নির্জন শ্বেতাভা ।

কোনো প্রজাপতি

বসন্তের বনগন্ধে দক্ষিণের রঙীন উৎসবে

হয়তো পৌঁছবে

একটি ফুলের রেণু বয়ে ।

মুহূর্তে সমস্ত দিক রোমাঙ্কিত হবে গান গেয়ে ।

মেঘের ছায়ার মতো ছেয়ে যাবে

তুমার শ্বেতাভা মুছে যে-মুখ চেয়েছো খুঁজে পাবে ।

ছায়া

কামরাঙা রঙ রেশমি শাড়িটি
সন্ধ্যা-রঙীন বাতাসে,
স্মৃতির পাঁজরে জোনাকির মতো
স্পন্দিত তারা আকাশে ।

অবাধ্য

খোলা জানলায় মুখ তুলে ভুলে যাই
নীচের মনের পাঁজরে করেছি যাচাই ।
দূরে নারকেল পাতাগুলি ঝিরঝির
সুর লাগে মেঘে ছিন্ন শতাব্দীর ।

নীলে নীল দিয়ে ভুলেছে আমার মন
বহুদিন পরে এসেছে কি শুভক্ষণ ?
কুয়াশার মতো বাপসা অনেক আলো
আরো দূরে দেখি বিছাৎ চমকালো ।

গভীর চাঁড়ের আড়ালে স্বর্ণরেখা
একলা নদীর আহ্বানে আছে ঝাঁকা ।
বারণ করেছি তবুও কি ভাই শোনে ?
কালসিটে-পড়া চাঁদ ওঠে দক্ষিণে !

মুখ

তোমার মুখের মতো আর কোনো মুখ দেখিনি তো
তোমার চোখের মতো অন্ধকার গভীর অতল
তোমাকেই তাই আজ প্রশ্ন করি অনেক দিনের
অদৃষ্টের এই রেখা আজ সে কি হয়েছে সফল ।

বৈশাখের আত্মকুঞ্জে মঞ্জরীর সফল শুভ্রতা
বাতাস মন্থর হলো, মন আজ উড়ে যায় কোথা ?
সমুদ্রের স্বাদ পেয়ে সে কি আজ ছরম্বত হয়েছে
কোনো ঝাউবন তার বাঁকা পথে ছায়া ফেলে গেছে ?

এ-সব আমার কথা, তাই দিয়ে তোমাকেই চিনি
তোমার মুখের মতো কোনো মুখ কোথাও দেখিনি ।

যুম

শ্রোতের স্বচ্ছতা নিয়ে গোখুলির বিষণ্ণ বিরহে
তির্যক বিদ্যুৎ হেনে দম্ব করে স্মৃতির কঙ্কাল
এসো মহাকাল ।

রক্তে শুনি পদধ্বনি । সে অতীত পুনরুজ্জীবিত
ভয়ঙ্কর মৌন গানে
ভয়ঙ্কর শাস্ত প্রাণে
হে অতীত সূর্যস্নানে জীবনে স্পন্দিত ।

তোমাকে পেয়েছি ফিরে মুহূর্তের পানপাত্রে আজ
এ আমার স্পর্শ নয়
জীবন তো ব্যর্থ নয়
নয় স্বপ্নসাজ ।

কখন ঝঞ্ঝারে এসে ক্ষীণকটি নীলাশ্বরে ঢেকে
তির্যক বিদ্যুৎ হেনে ছ'নয়নে স্নিগ্ধ ঘুম এঁকে ।

কোনো যুহুর্ভে

এসো নীল নির্জন শান্ত আকাশ

আমাদের অবচেতনায়,

এসো নিষ্পাপ দিন চৈত্ররঙীন

গোধূলির রাঙা বেদনায় ।

ঢেউ

আমের মুকুলে ফাগুনের আলো তুলেছে ঢেউ
আমাদের কথা জানে না কেউ ।
রজনীগন্ধা ঋজু আর শাদা হয়ে
স্মৃতির স্তূপকে আলগোছে ছোঁয়
ভৌরু তার হাত দিয়ে ।

অনেক পাখীর কাকলিতে ভরা সন্ধ্যা
রাত আসে দেখি মৃত্যুর মতো বক্ষ্যা ।
মনের আকাশ স্তব্ধ বিশাল : ছিলো কি কেউ ?
আমের মুকুলে ফাগুনের আলো তুলেছে ঢেউ ।

যদি ছুটি চাই
অনির্দিষ্ট অঙ্ককারে ছুরন্ত চড়াই
তখনো মনের কোণে
সূর্যরাঙা আমন্ত্রণে
তোমার শরীরী স্মৃতি ফিরে পাই '

কবে কোন শরতের স্পন্দিত নেশায়
সাঁওতালী সবুজ ক্ষেত
স্পন্দিত সংকেত
এনেছিলো রক্তকণিকায় ।

চুলে দিয়েছিলে ফুল
সেকি ভুল, সেকি ভুল ?
(সে রাত্রি কোথায় ?)

আকাশের স্বচ্ছ চোখে
প্রেম-মৃত্যু তুলে রেখে
অঙ্ককারে অঙ্ক চোখে ছুটি চাই

চাঁদের ঝড়

মৃত্যু যদি আসে এ-নীল দিনে
জানি তবু আমার নেবে চিনে
ফাস্তানে ঐ গোলাপ-রাজ্য চৌটে
হালকা হাওয়ার বনে ।

বসন্ত পাখী নতুন দিন আনবে
তারার বনে চাঁদের রথ টানবে ।
তেউষের মতো তোমার দেহের তীরে
আমায় নিয়ে আমায় ভালোবাসবে ।

চাঁদের ঝড়ে আমার দেহ মেলবে
তোমায় নিয়েই আমায় আমি ডুলবে।

১

বেদনা-বিস্ময়ে আমি চেয়ে দেখি উদাত্ত আধার
 ভ্রমরের মতো কালো কম্পিত চোখের দীর্ঘি তার ।
 ও-পাশে অনেক দিন সুবর্ণের আত্মসমর্পণে
 ছায়া ফেলে পাখা মেলে উড়ে যায় মনের দর্পণে ।
 আমি ভাবি, শুধু ভাবি : কালো চোখ তার ।

২

টানকে তুমি জালিয়েছো
 স্বপ্নে আগুন লাগিয়েছো ।
 অনেক রাতে অনেক দিনে
 অনেক খুসির আকর্ষণে
 আমায় তুমি ভাবিয়েছো ।

৩

এক ফালি টান্দে কী হবে আজকে বল না ।
 অনেক দেখেছি চিনেছি ও-বাঁকা ছলনা ।
 একা নিরিবিলি খেয়ালের ছায়াপথে
 ঘোরা শেষ করে এসেছি তোমাকে নিতে ।
 দূরে দেখো ওই নীলার আকাশ, মমতায়
 আরো নীল হোলো । নেমে এসো এই জনতায়

৪

তনুতে তনু নয়নে নয়ন মনেতে পঞ্চশর
 কাজল দিনের মেঘের হাটে হয়েছে জাতিস্মর ।
 কাটছে বেলা হলুদ আভায় নীলের চন্দ্রাতপ
 কীবন বনের ক্লান্ত পাখার তীব্র মানস্তর ।

অর্কেস্ট।

দিন হালো নিঃশেষ
রাত হালো নিঃঝুম
মন হালো উগ্নন
প্রেম আর— আর নুম।

কালো পাহাড়

বারবার শুধু এক কালো পাহাড়ের ছায়া
অমুভব করি : বোবা, কালো, মৃত
সেই পাহাড়।
সেখানে কি কোনো দিন গিয়েছিলুম ?

ট্রামে ভিড়, উত্তরে বিদ্যুৎ চমকাচ্ছে,
সিগারেটের ছাই চোখে এসে লাগলো,
কে যেন চাকরি পেয়েছে, খেলার মাঠের গল্প,
সেকেণ্ড ফ্রন্ট, যুদ্ধ শেষ হবে—
কিন্তু মনের মধ্যে বারবার সেই কালো পাহাড়
ফিরে-ফিরে আসছে।

আমাদের মতো যে বাড়ে না, বাঁচে না, খুসি হয় না,
আমাদের মতো যে জাগে না, ঘুমোয় না, ভাবে না,
সেই রকম এক বিরাট কৃষ্ণ উপস্থিতি
মনের মধ্যে আসছে ফিরে-ফিরে।
সেই পাহাড়ে কি কোনো দিন গিয়েছিলুম ?

মধ্য-দিনে বাঁশবনের সবুজ জ্যোৎস্না চুঁইয়ে পড়ছে
শুকনো পাতা আর ভিজ়ে ঘাস
আর ঝিঁঝিঁর ডাক। তুমি কথা কইলে :
এখানে একটু বসবে ?
কী গান গুনগুন করছো ?
পাহাড়ি হাওয়ায় তোমারে শুকনো চুল উড়ছে।

কালো পাহাড়

‘এ কিন্তু সে-পাহাড় নয়
যার সৌখিন স্মৃতি মাঝেমাঝে ফিরে আসে ।
এই কালো পাহাড় বিরাট অথচ স্তব্ধ
এর চাপ অহরহ সহ্য করছি, অথচ মৃত ।
এ-পাহাড় শুধু আমার ।
বোবা আর কালো
বারবার অনুভব করি এর ছায়া—

সেখানে কি কোনো দিন গিয়েছিলাম ?

তোমাকে এতোদিন দেখেছি স্বর্ণ-স্বাক্ষরে
এখনো দেখছি চাঁদ-সূর্যের রৌদ্রে
শরতের রোমান্থিত কাশবনে
কৃষ্ণচূড়ার লাল অরণ্যে ।

তুমি তো সৃষ্টি করেছো এই পৃথিবী
যেখানে বৃষ্টি পড়ে, আকাশ নীল ।
সৃষ্টি করেছো জীবন
ভরেছো দূরবনগন্ধ আবেশে—
এখানে সূর্য অস্ত গেলো, সূর্যদেব কোন দেশে ?

এতোদিনে তোমাকে চিনলুম, তবু চিনলুম না !
সূর্যের মতো নিঃশব্দ অথচ বিরাত ।
এইতো পৃথিবী :
আকাশ আর সমুদ্র
পাহাড় আর অরণ্য
সবুজ ছায়ায় হরিণ হাই তুললো
একটি তারা কোনো মেয়ের চোখে কাঁপলো ।

তুমি চলে গেছো, রেখে গেছো এদের
আমি যখন চলে যাবো কী নিয়ে বাঁচবো ?

হে আকাশ

হে আকাশ যদি আর একবার জন্মাই
তুণে কিংবা অরণ্যে
কিংবা তার গভীর কালো চোখে
আর দিগন্তের ইন্দ্রধনুর মতো
যদি স্পর্শ করতে পারি সময়কে
তবে যেন আবার
রৌদ্রকে ভরে তোলার গান খুঁজে পাই ।

উপরের আকাশ তারার শাদা লগ্ননে উজ্জল
কত বেদনার স্মরণাতীত আন্দোলন
আর বাতাসে
সমুদ্র-শৃগতা স্পন্দিত ।

হে আকাশ

তোমার নীল খাতায় এ-জীবনের সমস্ত আনন্দ-বেদনাকে
আর চাওয়া আর পাওয়াকে তুলে রেখো ।

যদি কোনোদিন

আবার বাইশ বছরের যৌবন ফিরে পাই

যদি চাঁদের ক্ষয়িষ্ণু সত্তাকে আবার পারি ভরে তুলতে

যদি পারি আবার জন্মাতে

ঘাসের সবুজ রসে

শিশিরের অজস্রতায়

মেঠো সুরে, মাটির ছৎপিণ্ডের কাছে

তা হলে

তোমারি খাতা থেকে

আবার ইঙ্গিত পাবো ।

হে আকাশ

কত দিন পরে তোমাকে চিনলুম আবার !
এই সেই ধূসর শাদা পথ । ক্লান্তিহীন ভাবনার
গুঁড়ো হাড়ে গড়া ।

কত দিন পরে, কত ওঠা-পড়া
পার হয়ে দেখলুম তোমাকে
উদ্দাম অথচ মৌন স্তব্ধতার ফাঁকে
কালপুরুষের ফিকে জ্যোৎস্নায়
হেমন্তের হলদে-সবুজ মাঠের পূর্ণতায় ।
আঁর মনে হোলো রাত্রির মেঘের মতো কত কথা
মন থেকে উড়ে গিয়ে দিয়ে গেছে একটি স্তব্ধতা ।

সবুজের বন' আছে তোমার ছু চোখে ।
জোনাকি'র আলো-জ্বালা পাথরের ফাঁকে
চেয়ে দেখি শূন্য মাঠ : হেমন্ত-ধূসর
আঁর এক মৌন শাদা কঠিন ঈশ্বর ।

তুমি যেন পথ হয়ে শাদা ধ্বনি ঘিরে
রেখেছে। আহ্বান এক অশরীরী স্মৃতির গহ্বরে
চেতনায়-অবচেতনায় ।
বিরহের ঝঞ্ঝু সুরে গোধূলির প্রদোষ-ছায়ায়
অস্পষ্ট মুখের মতো অন্ধকারে ফিরে-ফিরে আসে
শ্বেদাক্ত সময় ঘিরে নির্জন মনের অগ্নি পাশে ।

এই সেই শাদা পথ : সুগঠিত, বাস্তব, নির্মম,
হঠাৎ দিয়েছে ফিরে যা ছিলো মনের দূরতম
ঐশ্বর্যের সমারোহ । ভয়ে-ভয়ে তাকে স্পর্শ করি
না-বলা কথার বোঝা আজ বুঝি নাগ্নাতেও পারি

শাদা পথ

এই খেত বোবা পথে, ঈশ্বরের আগুনের কাছে
যে-জীবন ছায়াপথে মনে হয় তাও বুঝি আছে ।
অজানা মৃত্যুকে বুঝি সহজেই আজ খুঁজে পাবো
তারাদের গুঁড়ো হাড়ে এই পথে সূদূরে পাঠাবো ।

এ-ঐশ্বৰ্যের সমারোহ কোন পথে নিয়ে যাবো তুলে ?
গ্রাম্য শিশুর সারি একে-একে জমা হয় । কঙ্কালে-কঙ্কালে
শাদা পথ ছেয়ে যায় ।
রাত্রির বাতাসে শোনো কত হায়-হায়
কত অনাবৃষ্টি আর দম্ব পোড়ো ক্ষেত
আর কত মহামারি এঁকেছে সংকেত ।
নিজেকে কাঙালী করে একদিন চেয়েছিলে কত
এ-অবাক পথে এসে অকস্মাৎ স্তব্ধ বুকে ভাববে : তাইতো

বিধবা-সিঁথির মতো এই শাদা পথ
তবুও তো চেয়েছিলে । তোমার উদ্দাম রথ
হে জীবন থামাও একবার ।
শোনা যায় ট্রেনের লোহার ঝঙ্কার
আর নিজের স্পন্দন । রক্ত আর হাড় কথা কয়
মনে হবে জীবন-মৃত্যুও কিছু নয় ।
সপ্তষির ছায়া পড়ে দূরের কুয়াশা-ঢাকা বনে
পড়ে থাকে স্মৃতি এক বর্ষহীন মনের গহনে ।

বহুদূর দিগন্তের শিশিরের আণ
 নিয়ে এলে তুমি আজ রূপালি অত্ৰাণ ।
 যখন ওঠেনি তারা, সূর্য অস্ত যায়,
 দিনান্তের ক্লান্ত পাখী পড়ন্ত বেলায়
 আকাশের শূন্যে একা—শাদা ছুটি পাখা
 মুহূর্তের ছবি যেন স্তব্ধতায় আঁকা—
 তখন বিস্মৃতি ছুঁয়ে রোমাঞ্চিত মনে
 তোমার আহ্বান আসে প্রদোষ অঙ্গনে ।
 তোমার আঙুলগুলি আগুনের গান
 বহুদূর সে-দিগন্তে তোমার আহ্বান ।

সন্ধ্যার জরতী আলো মুছে যায় দেখি,
 নিজেকে চিনি না যেন, একি সত্য, একি !
 শিশিরে-শিশিরে রূপালি প্রদীপ জ্বালা
 বাতাসে ভেসেছে নীল জোনাকীর ভেলা
 এলোমেলো হাওয়া মন্তর হয়ে কাঁপে
 উপরে আকাশ একেলা বিরহ যাপে ।
 বেতস বনের পাতাগুলি গায় গান—
 বহুদূর দিগন্তের এসেছে আহ্বান ।

হিম-ঋতু বিন্দু-বিন্দু শিশির ছড়ায়
 সেই মুখ বিস্মৃতির স্বপ্ন-কুরাশায় ।
 কত দ্রুত পদধ্বনি নিশ্বাসের ভাষা
 আকাশের নিরুদ্দেশে । তবু ক্লান্ত আশা
 চাঁদের মতন শুধু বারেবারে আসে
 মনের এ-অন্ধকার বিবর্ণ আকাশে ।

অব্রাণ

তাই আজ শিশিরের রূপালি আব্রাণে
তাই এই অগ্নিগানে তোমার আস্থানে
নিজেকে চিনি না যেন । এ-অসত্য একি !
রাত্রির এ-অন্ধকার মুকুরেতে দেখি
কত স্বপ্ন শব হয়ে ভেসে-ভেসে যায়
মরা নদী পড়ে থাকে অস্তিম শয্যায়,
এক পাশে চিতা নিভে আসে, অন্য পাশে
চাঁদ ওঠে : স্তব্ধ মৌন অব্রাণ-আকাশে ।

শেষবার
মিনতি আমার ।
তোমার অজস্র দানে
তোমার সহস্র গানে
যে-মালা দিয়েছো উপহার
গোধূলি রক্তিম-স্রুগে
চৈত্রেয় মল্লয়া বনে
রেখে যেয়ো সেই উপচার ।

পূর্ণিমার আলো দিয়ে আর গান দিয়ে
আমাকে বেঁধেছো যতবার
আমি বাঁধা পড়ে গেছি
সেকি শেষবার ?
মিনতি আমার শোনো-শোনো
জীবনের পাত্র থেকে
মৃত্যুর তমিস্রা থেকে
এই শাদা হাড়
ভরে দিয়েো কোনো উপহার ।

এই দেহ একদিন
বহু আগে একদিন
হয়েছিলো গান আর কবিতা তোমার ।
সে যখন ভস্ম হবে
জীর্ণ হবে তুচ্ছ হবে
তখন সে চলে যাক বিস্মৃতির অগ্নি এক পার—
শেষবার
এই কি মিনতি আমার ?

কোনো সেন্টিমেন্ট্যাল মুহূর্তে

আমার রক্তের মাঝে
শতাব্দী সঙ্গীত বাজে
দিগন্তের অলে দীপশিখা,
বাতাস পেয়েছে কুল
স্নান করে কত ফুল
হৃদয়ের অন্তরালে একা ।

তখন কোরো না ভুল
ঐ আলো ঐ ফুল
জেনো তারা যায় এক দেশে,
সে-দেশেতে তুমি নেই
সে-অঁধারে আমি নেই
শতাব্দী সঙ্গীত শুধু মেশে ।

যে-সব সায়াহ্ন ভরে হৃদয়ের অনেক ভাবনা
জানালায় কুমারীর চোখের মতন হয়ে কথা কয়ে যায়
সেই সব মুহূর্তের শাদা পথে, আকাশের তলে
প্রথম প্রেমের কথা মুঠো-মুঠো তুলে নিয়ে বাতাসে উড়ায়
তারপর চেখে দেখে মনের মতন হোলো কিনা
অভ্রাণ-শেষের দিনে, হৃদয়ের কুয়াশার জলে ।

আরো এক কথা ছিলো । সব কথা হয়নি তো বলা
সে-কথা তোমার নয়, কার কথা তাই বসে ভাবি ।
কী-যে কথা । আজ তার খোসা পড়ে আছে
খানের রঙের মতো, দিনান্তের হলুদ কিনারে
ভেসে-ওঠা বার বার কারুর চোখের মতো বোবা ।

রাত্রিগুলি একবার জলে উঠে-উঠে
পউষ শীতের দিনে শিশিরের শাদা এক ঘ্রাণে
নিভে যায় । কতবার প্রেম আসে, ভুলে যায় মন
মুছে যায় কত মুখ সূদূরের তারার মতন ।

হৃদয়ের কুয়াশার জলে সূর্য জলে ওঠে
নরম মোমের মতো বিকেলের আলো কলকাতায়
আপেলের মতো লাল দিগন্তকে সূর্য ঠোকরায়
তারপর রাত নামে । কেরানীরা ফেরে ।

প্লেনের গুঞ্জন ক্ষণে-ক্ষণে ।

পেয়ালায় তামাটে চা, তামাকের গন্ধ
আর আড্ডা জমে কবিতা-ভবনে ।

গোধূলি

আমাদের মন হোলো অজগর সাপের মতন
রঙীন অতীত শুধু জীর্ণতর করে,
সুদূরপ্রসারী মেঘে বিকেলের নীলাভা ধারালো
দিনান্তের কিরণের সুবর্ণ উত্তরে ।
সবুজ ছুঁব'য় কবে ছেয়ে গেছে মাটি
মনস্থাপে ক্ষণে-ক্ষণে কতদিন কেঁপেছি অহরে
প্রেম ছিলো, আজো আছে, জানি না কী খাটি—
অদৃষ্টের লৌহবেড়ি কালের যন্তরে ।

একদা স্থাবর দিনে মেঘে শখ ছিলো
আজো আছে কিন্তু কই সেদিনের উদ্দাম কামনা ?
রাত্রিজাগা-চাঁদ শুধু তারাদের ফেরি করে যায়
গান গায় আকাশের : অতীতের শবের সাধনা ।

সহসা নিশ্চভ আলো তুমার উষ্মীষে
সান্নুদেশে ঢলে পড়ে শীতল ছায়ার কলধ্বনি
অনেক যৌবনভরা পৃথিবীর অপরূপ দেহে
বেজে ওঠে নূপুরের কনক কিঙ্কিনি ।

উপরে আকাশ দেখি নীলে নীল, কখনো সবুজ
স্তিমিত পশ্চিমখানি শৈশবের স্মৃতির মতন
মনে পড়ে ।

মনে পড়ে বহুদিন সংক্রামিত আমার এ-দেহে
তবুও তোমার স্মৃতি গোধূলির রঙীন আগুন ।

আঁধি

মরুভূমি মেঘ হয়ে এলো
আদিগন্ত অন্ধকার, বাতাসের রুদ্ধস্বর, আকাশ ঘোরালো ।
কোটি-কোটি ধূলি-রেণু মুঠি-মুঠি তুলে নিয়ে ছড়ালে এখানে
তোমাকে চিনেছি আজ তাম্র অন্ধকারে, স্মৃতির এ-দিনে ।
ধ্বনি আর সঙ্গীতের বসন্ত-উৎসব শেষে হে বিজয়ী বীর
রক্তের পতাকা তুলে উন্নত আবেগে তুমি এলে আজ : আকাশ আবির।

শূন্য ক্ষেত্রে একবার উর্ধ্বে চোখ তুলে
দেখি :
সৌখিন কৈশোর-রাগে সিক্ত নও,
একি !
হৃদ'ম কঠিন দিনে এলে তুমি আজ
ভাঙনের তীব্র সুরে উন্নত আবেগময় অন্ধ নটরাজ ।

দিগন্ত-মেখলা ছিঁড়ে হঠাৎ আস্থানে কার ধূলি-ধূমকেতু
হয়েছো পাহাড়,
কনক-কিঙ্কিনী-ভাঙা ভুলুগ্ঠিত-শতাব্দীর
কম্পমান হাড় ।
যাযাবর হে বৈরাগী তোমার সাধনা শুধু
বৈরাগ্যের নয়,
তুমি তো আনোনি মৃত্যু অন্ধকার অশরীরী
প্রেতছায়াময় ।

তোমার পিছনে শত অশ্বের ধ্বনি
তোমার পিছনে বিপুল জীবন আছে
ঐ শোনা যায় অশনীর ঝন্ঝনি
স্তব্ধ বৃকের অনেক অনেক কাছে ।

আঁধি

তোমার পতাকা উদ্ধত নির্মম
জীবন-মৃত্যু তুচ্ছ করেছে জানি
ওগো নিষ্ঠুর ওগো বীর অনুপম
আকাশে বাতাসে তোমার বজ্র বাণী ।
তোমার শিয়রে নতুন পৃথিবী জাগে
সবুজ ফসলে সূর্যের গুঁড়ো পড়ে,
কৃষক-বধূর ভ্রমর-কৃষ্ণ চোখে
আগামী দিনের মদির স্বপ্ন ঝরে ।

মরুভূমি তোমার পতাকা
জলন্ত স্বাক্ষর শূন্যে, রক্ত ছবি আঁকা ।
একাকার এ-পৃথিবী, সূর্যের পরাজয়, শেষে পলায়ন
মহাশূন্য ঢেকে দিলো বর্বর বিক্ষোভে শুধু, নিষ্ঠুর চুষন ।
বহু বর্ষ পরে আজ এই রক্ত-ঝড় করেছে বরণ
সামনে স্ফটিক দিন, সোনালি আকাশ আর সবুজ জীবন

হুগ্ম স্বপ্নের সিঁধি বেয়ে যত চাঁদ উঠে আসে
তাদের হারানো-কথা ধারালো চোখের চাওয়া, বাঁকানো ভুরুতে
খেত স্নিগ্ধ স্নগঠিত কটিতে উরুতে
অন্ধকার শব হয়ে ভাসে ।

অন্ধকার রাত্রিগুলি কালো-কালো থাম ।
দিনগুলি সারবন্দী জনতার মতো কলকাতার চালের দোকানে—
তারি মাঝে মন হোলো শরতের জলহীন মেঘ ?

হাওয়ায়-হাওয়ায় শোনো পিশাচের তীক্ষ্ণ এক হাসি
দম্ভহীন, অরদগব, লালসার লালাবরা চোখ,
পৃথিবীর আলো-জলে বিষ ঢালে : ক্ষুধা সব গ্রাসী ।

উদ্দাম মনের ক্ষেতে ফসলের রুগ্ন শয্যাগুলি
অন্ধকারে চক্ষুদান ? মাহুষেব মৃত চোখগুলি ।

সুতীক্ষ্ণ ভীরের মতো কথাগুলি উড়ে চলে যায়
নিশ্চিহ্ন সে অন্ধকার, আকাশের শূণ্য কারাগারে ।
বিচ্ছিন্ন বন্ধুর মতো সূর্যাস্তের স্মৃতি ফিরে আসে
সবুজ ধানের শীষে, দিগন্তের অগ্নি এক পারে ।

শালবন

হাজার কাজের শিকলবাঁধা মন
ভুলতে সেকি পারি ?
তবু তাকে ভুলতে হোলো আজ !
দীর্ঘ সবুজ শালের বনে আজ
শীতের আগে হাওয়ার ছড়াছড়ি ।

তোমায় আমায় যে-সব কথার বাঁধা
বেঁধেছিলো নানান্ ছলে এসে
ফেলে দিলুম অনেক পিছন পথে
দীর্ঘ সরল শালের বনে এসে ।

শরৎ রোদের ঝিকমিকি পাড়
শালের বনে বুনছে মায়াজাল ।
আমরা দু-জন পাশাপাশি চলি
খেয়ালমতো ঋনিক কথা বলি
উড়ছে দেখি হলদে প্রজাপতি
উড়ছে মনের ঝরাপাতাগুলি ।

শিশির দিয়ে ভিজিয়ে দিয়ে গেছে
চাঁদের আলোর গতকালের রাত ।
সেই শিশিরে তোমার পায়ের ছাপ
তোমার পায়ে শিশির-ভেজা ঘাস ।
শাড়ির ভাঁজে চোরকাঁটারে ভিড়
শালের বনে শীতের সোনার তীর ।

শালবন

শাল গাছেরা বিঁধছে আকাশখানি
নিজের মনে খুসির কানাকানি ।
এইখানে আজ বন-ভোজনের পাল,
এইখানেতে কত সহজ মন !
চতুর্দিকে ঘাসের সমারোহ
একটা বিঁবিঁ ডাকছে বহুক্ষণ ।

কেমন করে এই বনেতে এলুম ?
শালের বনে শরৎ রোদের পাড় !

সময়হারা

দেখি দূরে চেয়ে আগুন ধরেছে বিরাট মাঠে
চৈত্রে শেষে মাঝ-বৈশাখী দিনে
উদাসী আকাশ চেয়ে আছে কোন তেপান্তরে
মেঘের স্বপ্ন উত্তরে-দক্ষিণে ।

জেনেছি জন্ম মাটির উপরে ঘাসের মতো
কোমলে-সবুজে ছুকুল ভাসানো প্রাণের মায়া
কখনো বা ঝরে আগুনের ফুল, সোনালি শিখা
কখনো সুদূর একাকী চাঁদের উদাসী ছায়া ।

বিকলে দেখেছি শিশু-উৎসব সহর-মাঠে
সবুজ ঘাসের ফুল হয়ে যেন ফুটলো তারা
আলোতে-হাসিতে প্রাণে উজ্জ্বল বগ্না-শ্রোতে
উপরে আকাশ শান্ত সুনীল সময়হারা ;

প্রাণের সবুজ অপরূপ সাজে কী সমারোহ
দিকে-দিকে দেখি আয়োজন চলে তীব্র দ্রুত ।
রাশি-রাশি ঘাস, মরে যাবে এরা শীতের দিনে
নবধারাজলে আবার সবুজ মেঘের মতো ।

শীতের সূর্যে কুমারী আবার মেখে
অলস মধ্য দিন,
আবেশে মধুর দীর্ঘ নয়নে আঁকা
কণিক খেলালী ঋণ ।

সৌম্য পাহাড়ে সন্ধ্যা ছায়ার মতো
শুনেছি অনেক কথা,
তুলিনি তাদের সময় চিতার পরে ;
নিবিড় আত্মীয়তা

শীতের সূর্য অলস মেখলা যেন
নীবীবন্ধনী মিছে,
আকাশের মতো ইথর-জমানো হিমে
প্রস্তর হয়ে গেছে ।

এখনো কি তুমি ফাস্তুন-দিন এলে
পলাশ রাঙাবে ? বল ।
যৌবন যদি সাহসী দস্যু হয়
বজ্রায় উচ্ছল,

তখনো আমার সৌম্য পাহাড়ে ঘেরা
সন্ধ্যার মতো দিন,
ছুঁয়ে-ছুঁয়ে যাবে তুষার-শিখর দেশে
দীর্ঘ চোখের ঋণ ।


ছুটিতে শান্তিনিকেতন

শূণ্যঝরা আলো দিয়ে বৈকালীপ্রাসাদ
সায়াক্হের কারিগর গড়েছে অনেক,
রাঙা মাঠ জ্বলে ওই : সবুজ সুস্বাদ
আর নীল আকাশের ক্ষেয়াল ক্ষণেক ।

মকরত মণিগুলি শরৎ আকাশে
নক্ষত্রসভায় তারা এনেছে চমক,
সাক্ষাভ্রমণে যাই, তুমি আছো পাশে,
কথা বলি, চুপ করি, নিরানন্দ শখ ।

মেঘগুলি সাঁওতালি স্বাস্থ্য ঘনকালো,
চোরকাঁটা নড়ে, দূরে ট্রেন তো উধাও,
হু-চোখে কুড়িয়ে নিই স্বর্ণঝরা আলো
কথা বল, সেই কথা শুনেছি আগেও ।

তালগাছ প্রোত্বেহের স্থবির প্রতীক
ঝিঁঝিঁদের ক্লাস্তি নেই, জোনাকিও জ্বলে,
বিধুর হয়েছে সন্ধ্যা, (জীবন অলৌক ?)
যজুরাণী সার বেঁধে দূর গ্রামে চলে ।

এ-সময়  বি আকে নীল ও সবুজ —
সামনেই ছুটি শেষ : লাল সিগালাল,
গেরুয়া মাটির ধূশে অযথা অবুঝ,
আত্মার হু-পাশে কাঁপে ছর্জয় খেয়াল ।

আমাদের প্রথম পৃথিবী পথে চলো যাই কিরে

চূর্ণচাঁদে গড়া পথ, হেমন্তের হলুদের তীরে

মাঝে-মাঝে পদশব্দ স্মৃতির চূড়ায় ।

ফিরে চলো অসহায়

সময়কে মুখোমুখি রেখে

দিনান্তের ক্লান্ত পথে বিকেলের সূর্যালোক মেখে

যাযাবর স্মৃতি নিয়ে ।

কত কাল পরে হয়ে গেলো

গানের সুরের মতো হৃদয়ের কলোচ্ছ্বাসে । আবার হারালো

তন্দ্রা-স্নান বিকেলের শেষ চিহ্ন । অন্ধকারে একা

চূর্ণ-চাঁদে গড়া পথ । শস্য ক্ষেত । হলুদের রেখা ।

তীর্থক বর্ষার মতো তারি কথা ফিরে-ফিরে আসে

রক্তের সোনালি আশ্বাসে ।

পাহাড়ের সারি বুঝি তরঙ্গের উচ্ছ্বাসের মতো

খুলে দেবে পথ এক দুর্গিবার ইচ্ছাকে অমৃত ।

জনতার মাঝে মিশে তারি কথা মনে-মনে বলি

ছেঁড়া জামা, রুগ্ন মুখ, হতাশায় ক্ষণেক চঞ্চলি

নীলাভ অতল এক পাতালের স্নিগ্ধ অন্ধকারে

মৃত্যুর গভীর স্বাদে খুঁজে নেবে শেষবার তোমারে আ

আজ যদি গান শুনি বিদায়ের মতন করুণ

যদি জাগে হৃদয়ের সুগভীর প্রদেশে তরুণ

সূর্যের পদধ্বনি । থাকি যদি ঘনঘোর স্তব্ধ অন্ধকারে---

মহুয়া-বীথির তীরে জেনো আমি বার-বার চেয়েছি উদ্ধারে

প্রথম পৃথিবীর পর

আমার তির্যক পথে সময়কে মুখোমুখি রেখে
শিশিরের স্নিগ্ধতায় স্মৃতিচিহ্ন সজোপনে এঁকে
জেনো ফিরে যাবো । মুহূর্তের এ-দেখার গান
তোমার আলোর বনে হঠাৎ নিস্প্রাণ
অভ্রের মতন শুধু উঠে জলে-জলে
বেদনায় মৌনতায় যাবে মিশে কোনো এক গভীর অতলে ।

তির্যক বর্ষার মতো তারি কথা মনে-মনে শুনি
ফিরে আসে শীতের আত্মাণভরা সমুদ্রের স্বেত পদস্বনি ।

প্রহরী

হে আমার নীল মন ! দূরে দেখো পুরানো কেল্লায়
মেঘছায়া ধূসর করুণ । কখনো সোনালি জেল্লায়
সূর্য আসে : মুহূর্তের উজ্জ্বল চুণকাম ।
ঘন-ঘন ঢেউ হয়ে প্রান্তরের সবুজ প্রণাম ।

আমাকে ছুঁয়েছে আজ মৃত্তিকার শিকড়ের রস
উচ্চস্বর ঘিরে আসে, দীপ্ত নেত্র, প্রচণ্ড রভস ।
কেল্লার পুরানো আমেজ, অতীতের সহস্র কল্লোল
রূপসীর তীক্ষ্ণ চোখ, বৃদ্ধার শরীর বিলোল
অকর্মণ্য মূঢ়তায় শুনি যেন খঞ্জনি বাজায়
সহস্র-সহস্র দৈন্ত : মৃৎ মূক স্নান অসহায় ।

প্রাণে আজ প্রাণ দাও, কানে দাও গাণ্ডীব টংকার
শত্রুর সগর্ব বুট যেন রোখে এ-বুক আমার ।
হে আমার পার্শ্বচর অতীতের গরবী ভারত
হৃর্জয় তোমার স্নেহে আমি হব সেই ভগীরথ
শব্দে গানে অগ্রগামী । পঁচাতে অজস্র কল্লোল ।
তীব্র সুরে বাজে প্রাণ, রক্তে দেখি স্তবর্ণ অনল ।

হে আমার তেপান্তরী মন
পুরানো কেল্লার পাশে তুমি হও সৈন্ত একজন ।

চন্দ্র-করোটি

সায়াহুর স্তব্ধতায় আমি রিক্ত, উদ্দাম তবুও
মনে-মনে কথা বলি ব্যর্থতার গৌরবের গান
অশরীরী ছায়া যত ভীড় করে জানায় কামনা
কৈশোরের স্মৃতি নিয়ে ভারগ্রস্ত । ভয় অপমান
কতবার কৃষ্ণ ক্ষত সর্ব অঙ্গে একে দিয়ে গেছে
বিষাক্ত রক্তাক্ত ছবি চেতনায়-অবচেতনায়—
হে প্রদীপ্ত সূর্য, তুমি সন্ধ্যার স্তব্ধে উজ্জ্বল
দিনের কবরে তবু শুনি আমি মৃত্যুর আহ্বান ।

এখানে ফুটেছে ফুল গন্ধে বর্ণে রঙীন আলোতে
উপরে আকাশ আছে নীল স্তব্ধ সমুদ্রের মতো
আমার কামনা দিয়ে আমিই কি রাঙাবো তাদের ?
সন্ধ্যার নদীর তীরে অন্ধকার আসন্ন উত্তত,
শবভূখ শৃগালেরা অটুহেসে দূরে চলে গেলো
ক্লান্ত পাখী নেমে এলো, অরণ্যের অন্ধকার নীড়
নিশ্চেতন হিম-রাত অস্থিসার, স্বপ্ন এলোমেলো :
রাত্রির সন্ন্যাসী জাগে, হাতে পাত্র চন্দ্র-করোটির ।

আমাকে চিনেছি আমি । আজ নয়. আগামী কালের,
শতখানেক ডি ভেঙে ধাপে-ধাপে এসেছো এখানে ।
সবাইয়ের ক্ষত, রক্তাক্ত স্বেদাক্ত দেহ, মুখে
শ্মিত হাসি । সুন্দর নিষ্ঠুর তুমি । জন্মমৃত্যুজয় ।

লাইটহাউস

আবার পেছিয়ে যায় ধীরে-ধীরে আসন্ন সন্ধ্যায়
দূরে জল কৃষ্ণকায়, আকাশের অসীম শূন্যতা ।
পড়ে থাকে স্বচ্ছ বালি মূক মুগ্ধ রাত্রির নয়নে
তারাদের গান আসে বিরহের শান্ত মৌনতায় ।

আঁকা হয়ে যায় আজ রাত্রির নীরব শিশিরে ।
তোমার চরণ-চিহ্ন বুকে নিয়ে স্বপ্ন দেখে হাসে ।
যা চেয়েছো একদিন পাওনি তো, তবু কি পাওনি ?
দেহের নীরব সৌধে, নীবীবন্ধে, আঁখির মুকুরে ?

তারপর অজস্র সোনালি গানে, বাতাসের দিগন্ত বিলাসে,
ক্ষয়িষ্ণু চাঁদের মুখে, হতাস্বাসে, কখনো বিষাদে,
একে-একে মোছো আঁকো, ক্ষান্ত-বর্ষা মেঘের মুকুটে
মুহূর্তের পূর্ণপাত্রে, আপনার অনন্ত নিখাসে ।

ফিরে আসে ধীরে-ধীরে মনের মায়াবী স্ফটিকে
পরাগ-জড়ানো পায়ে অরণ্যের হরন্ত ভ্রমর,
হর্নিবার মুহূর্তের হলুদ ফসলগুলি
ফিরে আসে বারবার, ঘিরে থাকে দেহকে কটিকে ।

নক্ষত্রসংকেতেভরা সচেতনতায়
ছোটো-ছোটো আলো জ্বলে, নেভে আর জ্বলে ।
তোমার পাঠানো ঢেউ ফিরে আসে, ভাঙে
জাকরানে-কুম্ভকুমে-ঘুমে । আবার পেছিয়ে যায় ।

ঐকতান

মৃত্যুর শিখার সঙ্গে সমুদ্রের ঐকতান বাজে ।
আমার হাজার কাজে
হানা দেয় অসংখ্য মিছিল—
রঙ তার জানা নেই । রঙ এই মনে নেই । যে-চিল
উড়েছে অদৃশ্য লোকে
ডানা মেলে পাখার ঝাপটে, যে-আবির সন্ধ্যার বিধুর চোখে
শূণ্যতাকে ঐকে যত্ন করে—
মৃত্যুর শিখার সঙ্গে তারি এক প্রশান্ত ঝঙ্কার শুনেছি অন্তরে

এ-জীবন নিয়েছো কি কেড়ে ?
সাড়া নেই তারালোকে । অন্ধকার দুই হাতে ছিঁড়ে
ভাষাহীন ক্লান্ত সুরে ফিরে আসে মনের দেয়ালে
ফিরে আসে মাটির সবুজে আর ভাঙা-ভাঙা আলে

তোমার কপালে কবে রক্ত-রেখা ঝাঁকা হয়েছিলো !
বোলো আজ দুরাগত প্রতিধ্বনি প্রাণ ভরে বাসে তাকে ভালে
অন্য এক দেহহীন সুরহীন প্রতিধ্বনিখানি :
শূণ্য-মর্মর আর সমুদ্রের শূণ্যস্বর জানি ।

এ-জীবন ছায়াময় । বৃষ্টি-ঝরা বিনম্র সন্ধ্যায়
বাসে-ফেরা কেরানির ক্লান্ত স্তব্ধতায়
চৌরঙ্গির পশ্চিম আকাশে
মেঘে-লাল সায়াহ্নের অন্য এক সঙ্গীহীন পাশে
সময় রয়েছে শুয়ে ।
আলস্য-জড়ানো তল্লা তার ক্ষীণ কটখানি ছুঁয়ে ।

ঐকতান

সেইখানে যদি ফের দেখা হয়ে যায়
মনের অরণ্যখানি ফের যদি অব্যক্ত কথায়
রোমাঞ্চিত হয়ে আঁকে আগামী দিনের
বসন্ত-উৎসব শেষে সুনীল স্বপ্নের
সমুদ্রের ঐকতান মৃত্যুর শিখায়—
এ-জীবন শেষ কথা উড়াবে হাওয়ায় ।

অনেক চাওয়ার মাঝে কোনো পাওয়া এতোটুকু নেই
রাত্রির আকাশ-ভরা তারার কামনা শুধু পায় মৃত্যুকেই ।

আসমানি

দম নিই। তেতলার শেষ সিঁড়িখানি
এখানে থেমেছে। জানালায় আসমানি রঙ,
চৌকো আকাশ।

পাতার মর্মর—নীল—সমুদ্র আভাস।

সূর্য গিয়েছে চলে, আবার হেমন্তে
গানের কলির মতো ফিরবে।—সাড়ে ছয়—সন্ধ্যা।
মন্দির দেউল নয়, হৃদয়ের স্রোত শুধু বাজে
নানা সুরে।—না-না, আসা হয় কাজে।

দম নিয়ে ভাবছি, কেবলি ভাবছি,
মনে-মনে আউড়ে নিই : এই যে, কেমন আছে ?
(শাশিতে নীল একটা মাছি ।)
আবার হারিয়ে যায়। রেশমের মতো এই আলো
সন্ধ্যার মিনার বেয়ে কেঁপে-কেঁপে উড়ে যায়।

একদিন (মনে আছে ?) ভালো
বেসেছিলে ? মন দিয়ে, দেহ দিয়ে, প্রাণ দিয়ে, আর—
যাক, কী দরকার, সে-কথা কইবার ?

সিঁড়ি ভেঙে খানিকটা হাঁপাই
দূরে : ট্রামের স্পষ্ট শব্দ পাই।
মাছিটা গিয়েছে উড়ে, জানালার চৌকো আকাশে
খেয়ালি আসমানি রঙ একান্তই মুছে-মুছে আসে।

দম নিয়ে আবার হাঁপাই।
কাজ কি দেখায় ? কাজ কী ? পাই কি না-পাই।
ফিরে চলি।

মনে-মনে কী যেন চেষ্টা চলে। বলি :

আসমানি

তোমার চোখের চেয়েও আরো ধূর্ত আছে
চৌকো জানালার পাশে,
বর্ষার সুগন্ধের কাছে,
বিবেকের পাশেও হাঁটে না
এ-জীবন জেনেও জানে না ।
নির্বিকার অতিশয়
সে—সময় ।

উপরের দরজা খুলে যখন আসবে
অন্ধকারে আসমানি রঙ নেই : কে যেন কাশবে ।
শ্রাবণের নারকেল পাতায় মম রিত বিহ্বলতা
সমুদ্রের অসীম শূন্যতা
সময় বাজাবে একতারা
সিঁড়ি দিয়ে কত মুখ উঠে আসবে ! কারা ?

তারা আর কেউ নয়
তোমারই অনেক ছবি । সময়ের অপব্যয়—
তবু তোমাকে গড়েছে কৈশোরে, যৌবনে
আবার বানাবে বার্কক্যে-জরায় । অন্ধকার শোনে
প্রতিধ্বনি ।
আমি তখন কোথায় ? এই যে শেষ সিঁড়ি ।
বাইরে আকাশ—রঙ, নীল আসমানি ।

কলকাতার অবাঁক একটি মুহূর্ত

কলকাতার পথে যেতে-যেতে কুড়িয়ে পেয়েছিলাম
সিকি-আধুলি নয়—একটি মুহূর্তকে !

কলকাতার পথে পেয়েছিলাম—

যখন শেষ-সন্ধ্যার মেঘগুলোকে

হঠাৎ বলগা-হরিণ বলে মনে হয়েছিলো,

রাস্তার সবে-জ্বলা আলোগুলোকে মনে হয়েছিলো

চোখের করুণ মিনতির মতো ।

কলকাতার পথে হঠাৎ কুড়িয়ে পেয়েছিলাম

সেই অবাঁক একটি মুহূর্ত ।

সেই একটি মুহূর্তে যেন কুড়িয়ে নিলাম সমস্ত জীবন
মনে হয়েছিলো

গভীর অরণ্যের ভয়ঙ্কর মৌন গান বুঝি শুনতে পাবো
মনে হয়েছিলো

রাত্রির কালো সমুদ্র-কল্লোল বুঝি পাবো শুনতে ।
মনে হয়েছিলো

এই মুহূর্তের সিঁড়ি দিয়ে বুঝি নেমে যেতে পারবো
গভীর স্বচ্ছ চেতনায়,

যেখা... শ্রীর দেবতা ধুয়ে দেবে মৃতদেহের স্মৃতি
আলোর... বিতা দেবে নতুন প্রাণ

শেষ-সন্ধ্যার বলগা-হরিণ মেঘের মতো ।

কলকাতার পথে যেতে-যেতে

সেই অবাঁক মুহূর্তকে পেয়েছিলাম,

নন্দির গাত্রে খোদাই-করা মূর্তির মতো এই মুহূর্ত ।

সেই মুহূর্ত গুয়েছিলো ভিথিরির মতো
তার শিয়রে টিনের পান-পাত্র
তার গায়ে ছেঁড়া-চটের আবরণ,
তার চোখ ছিলো বোজা, দেহ ময়লা, চুলে জট।
কিন্তু যেই তাকে স্পর্শ করলুম
সে হেসে উঠলো,
সে চাইলো অবাক দৃষ্টিতে,
মায়ার মতো মিলিয়ে গেলো তার ছদ্মবেশ।

আশ্চর্য।

কী করে চিনেছিলুম তাকে ?
বাড়ি ফেরার পথে কেবলি আশ্চর্য হয়ে ভাবতে লাগলুম :
কী করে চিনেছিলুম সেই অবাক মুহূর্তকে
ছাই-চাপা মণির মতো যে লুকিয়েছিলো

সেই মুহূর্ত আমাকে দিয়েছে অটল বিশ্বাসের বর
তারপর

আবার হয়তো ছদ্মবেশে গুয়ে আছে
কোনো গলির মোড়ে
কোনো ফুটপাথের কোণে
কোনো গাড়ি-বারন্দার তলায়।

হয়তো অপেক্ষা করছে

যখন সমস্ত জনতা তাকে একদিন কুড়িয়ে নেবে

ফুটপাথে থেমে আমি এক মনে খুঁজি কাঁকা ট্রাম
হকারের হাঁক শুনি : তাজু খবর, অসংখ্য গ্রাম
পুড়ে-পুড়ে ছাই হোলো। এক আনা দাম !—তারপর
হেমন্তের সন্ধ্যা দেখি, আকাশের প্রশান্ত প্রহর।

এ-সৌন্দর্য সত্যি নাকি ? কেনই বা সত্যি এটা নয় ?
পকেটের পোড়া বিড়ি, নীল সন্ধ্যা : অপূর্ব বিশ্বয়।
আপেলতে মাছি বসে, চুলের জরির শাদা ফিতে
মারাঠী মেয়েটি থামে, নিচু হয় সেটা তুলে নিতে।
উঁচু বাড়িটার পাশে ক্লবিকের এই নীল মায়া—
ধোঁয়াটে গ্রামের পাশে মরা-মুখ আর আবছায়া।

পা যে চায়না চলতে, কাকে খুঁজি, পাই কি না-পাই !
বাজারের জনতায় আবার হারিয়ে বুঝি যাই।
দেহের নীচের মনে, মনের নীচের অন্ধকারে
এলোমেলো বহু শব্দ ভেসে-ভেসে আসে বারেবারে !
তারা ছিলো একদিন, তারা ছিলো একদিন পাশে
তাদের চোখের দৃষ্টি ধরা পড়ে সন্ধ্যার আকাশে।
এই নীল মৌন গানে তাদের স্পন্দন শোনা যায়—
কেউ ছাই, আলো হয়ে কেউ বা হারায়।

তারা ছিলো একদিন। স্মৃতিখানি ক্ষীণতর হয়ে
উড়ে যায়, ভেসে যায় মেঘের মিনার দিয়ে-দিয়ে।
তবু তো যায় তারা, আমাদেরি পাশে জেগে থাকে,
কিংবা থাকেনা কেউই, সময়ের শিল্পী শুধু আঁকে
শিশুর গভীর মায়া, সায়াহ্নের নীল ছায়াখানি
খনো রঙীন পটে ছবি হয়ে মুছে যায় জানি।

বাজার

আমি ক্লান্ত অভাজন ধীরে-ধীরে চলি ঘরে ফিরে
মনের দেয়ালে আঁকি অসংখ্য মুখের ছবি নোখ দিয়ে চিরে ।
স্মৃতির ভাঙারে শুধু পুরু হয়ে ধুলো জমে থাকে
সেখানে হারাই পথ, চলেছে হাজার রথ, খুঁজি তবু কাকে ?

ধুলো

ধানের রঙের মতো হেমন্তের রৌদ্র-ভরা বিকেল
এতো আলো, এতো আকাশ, এতো প্রাণ
সবটা মিলিয়ে পরিপূর্ণ একটি ফলের মতো মনে হয়।
সবচেয়ে অবাক লাগে যখন মনে করি
আমি বেঁচে আছি, আমি দেখছি, আমি ভালোবাসছি।
অবাক লাগে ভাবতে : একদিন এদের আমি দেখিনি,
একদিন এদের আমি দেখবো না
এতো আলো, এতো আকাশ, এতো প্রাণ
ধানের রঙের মতো হেমন্তের রৌদ্র-ভরা বিকেল।

একদিন আমি এদের পাবো না
কিন্তু একদিন যে এদের পাবার আনন্দ
আমার মনের মধ্যে বিন্দু-বিন্দু সঞ্চিত হয়েছিলো
—তাদের রেখে গেলুম, ছড়িয়ে দিলুম
গ্রামের সোনালি ধুলোর পথে।
তামাটে পায়ের ফাটা-চামড়ার চাপ
এই আনন্দকে জীর্ণ করুক।
শিশু খেলা করুক এই ধুলোয়,
মামলার আর হেমন্তের শিশিরের গন্ধ
ছড়িয়ে ছুটিয়ে এই সোনালি পৃথিবীতে—
বাংলা দেশের এই আশ্চর্য ধুলোয়।

হেমন্তের এই আলোর বন্যাময় শাস্ত্র বাংলা দেশের গ্রাম
ত দূর দেখা যায় সোনার ফসল
ঠেঁঠের উপর স্তবের মতো মুয়ে পড়েছে
শান্ত নির্বাক সূর্যের উষ্ণ-কোমল স্পর্শ

ধুলো

একটু ঠাণ্ডা বাতাস বইলো

বাঁশবন সির-সির করছে

একটা কড়িং লাফিয়ে চোর-কাঁটার বনে অদৃশ্য হোলো

আকাশে শব্দচিল—

হঠাৎ দূরের মাঠ চিরে কালো মাল-গাড়ি চলে গেলো

হেমন্তের পরিপূর্ণ পড়ন্ত বেলায়

কী নিরর্থক ভাবা :

একদিন ছিলুম,

একদিন থাকবো না।

আমরা

আমরা অনেক হীরা-জ্বালা নীল ক্ষেত্রে
রাতের শিশিরে প্রজাপতি-ডানা পেতে
মিশেছি, হেসেছি, পেয়েছিও ভালোবাসা—
শিকারী শকুন উড়ে-উড়ে আসে : এক চোখে জিজ্ঞাসা ।

সেই হীরা-জ্বালা রাতের নীলাভ ক্ষেত্রে
পড়ে আছে দেখি : খান কেটে নিয়ে পালায় একটি প্রেত
তুই চোখে তার নরকের আলো, ঠোঁটে লালসার হাসি—
আমরা চিনেছি, মিশেছি, পেয়েছি, চলেছিও পাশাপাশি ।

আমরা চলেছি । দেখেছি আগুন কার চিতা যেন জ্বলে
মায়াবী নদীটি বেঁকে চলে যায় আকাশের কালো কোলে ।
ফাস্কুন মাসে বাতাসে-বাতাসে বনভূমি সিরসিরে
কুমকুম ঢেলে পুরানো এ-চাঁদ আবার এসেছে ফিরে ।

আমাদের মন হীরা-জ্বালা ক্ষেত্রে । আমরা জেনেছি তাকে
ছিন্ন করেছি বহু শতাব্দীর মেকি আবরণটিকে ।
শিলা-মাটির স্পর্শ ছেয়েছে পুরানো দেহ
আগামীর গানের কলিতে ঘনীভূত নীল মোহ ।

আবার অজ্ঞাণ

আবার অজ্ঞাণ এলো, আর সেই রাত
নীলাভ চোখের মতো জ্যোৎস্নার প্রাসাদ ।
কালো ভ্রমরের গানে মনে হয় দূর থেকে যেন
ব্যাকুল হয়েছে সিঁধু উচ্ছ্বাসে সফেন ।
গোধূলি পাণ্ডুর ক্ষণে ক্লান্ত আকুলতা
মনে পড়ে রূপালি অজ্ঞাণ মাসে ভুলে-যাওয়া কথা

তবু আজ চিনেছি তোমাকে আমি শুক্লির মতন
সমুদ্রকে বাদ দিয়ে একটি প্রবাল যেন জীবনের এই রিক্ত ক্ষণ,
কী পেয়েছি, পাই নি কী—আজ তার হিসাবের খাতা
খোলা হয়ে পড়ে আছে । মনের কবিতা
তাই নিয়ে ক্লান্ত হয়ে ফিরি দিনে-দিনে
শুধু আজ অজ্ঞাণে-আশ্বিনে
প্রথম শীতের হাওয়া হাড়ের ফুটোয় বয়ে যায়
আর মনে হয়
এ-জীবন পরম বিস্ময় ।

একদিন তুমি ছিলে, ছিলাম আমিও,
কেউ আর নেই আজ, অজ্ঞাণ তবুও ।

প্যাটফর্মে

নিজেকে নিজেরি ভয়

অসীম শূন্যতায় কণ্ঠরোধ হয়ে আসে।

এসেছি সোয়া সাতটায়। জংসন স্টেশন। জিলিপি আর ফুলুরি।

ভাঁড়ে চা, চিনেবাদাম, ঝাল পান, জোলো দুধ এক খুরি

—ত্রিহরি

রাত্রি বারোটোর প্যাসেঞ্জার ধরবো। ততক্ষণ কী করি ?

একদিন শখ ছিলো আকাশের মেবে,

শরতের প্রথম নেশায় রেলগাড়িতে উধাও হবার

কল্পনাও ছিলো।

হায় আমাব ভাগ্যরথের ঘোড়া

টগবগিয়ে এনে ফেললে পচা এক জংসন স্টেশনে

যেখানে সোয়া সাতটায় নামতে হয়

যেখানে রাত্রি বারোটো আর বাজতে চায় না।

হায় নাম ! কয়টি অক্ষর শুধু, ধ্বনিময় ক্ষণিক বিষাদ
আলোকস্তম্ভের মতো নিতান্ত একাকী এক সমুদ্রের স্বাদ
পেলাম তোমার কাছে । রাত্রির নিভৃত দেশে এলে সন্ধ্যাপনে
দ্যুত-ক্রীড়া শেষ হলে মায়াবী অরণ্য ভরে হৃদয়ের নির্জন অঙ্গনে ।
পিঙ্গল গাছের পাতা নিঃশব্দে পেয়েছে মাটি, মৃত্যু অবিরাম,
তোমার সায়াহ্ন ভরেকত মেঘ ঝড় তোলে মোছে সব নাম ।

হায় নাম । পথে-পথে ক্ষত-দগ্ধ ক্লান্ত মুখ বারবার দেখি
জনতার এক কোণে সায়াহ্ন-সূর্যের তাপে মন ভরেছে কি ?
এ-জীবনে স্বাদ নেই, মনের অরণ্যে মৃত রক্তহীন চাঁদ
নিঃশব্দ স্মৃতির হৃদ, ক্ষণিক পাণ্ডুর আলো, বিবর্ণ প্রাসাদ ।
নিরর্থক চেয়ে থাক । চোখের সমুদ্রে ওঠে কঠিন তুফান—
লাসকাটা ঘরে-ঘরে মাকড় রূপালি জালে লেখে এক নাম ।

হায় নাম । অশথের নবপত্র দগ্ধ হয় সবুজ আগুনে
দক্ষিণা বাতাস ক্লান্ত, রাত্রির স্ফটিক তারা নিরর্থক গুণে ।
বুঝি আজ যেতে চাই যেখানে পাহাড়ে এক আছে নিঝরিনী
নির্জন সকাল আর নির্জন সায়াহ্ন ভরে মৃত্ত কলধ্বনি ।
হঠাৎ চমকে ভাবি : সেখানে একাকী নও, জলে অনির্বাণ
প্রেতের ছায়ার মতো পিছনে দাঁড়ায় এক রক্তহীন নাম ।

(ছোরা নয়)

আজ সহরে হাহাকার
সন্ধে থেকেই বন্ধ দ্বার
অন্ধকারে ছুরির শান
কাস্তিবাবু শুনতে পান
ধূর্ত চোখ ও তীক্ষ্ণ কান—

হায়রে হায় কে বা কার !

আজ সহরে

সাঁঝ পরে

মত্ত হাওয়ার হাহাকার ।

আজকে কেন ক্ষিপ্ত লোক ?

জ্বলছে কেন রক্ত চোখ ?

মাথা কাটো বাংলা কাটো

সম্মত করো খণ্ডিত,

বলছে হিরু, বলে সিরাজ,

বলছে মুখ' পণ্ডিতও ।

হায়রে হায় অন্ধকার

সন্ধে থেকেই বন্ধ দ্বার

সব ভুলেছি কে বা কার

হাঁকে কসাই রক্ত চাই—

ভাই মরেছে মা মরেছে
আমায় আরো রক্ত পাই ?

পুনরুজ্জীবন

(স্বকান্ত ভট্টাচার্য-কে)

সব দা শঙ্কিত মন ক্ষুদ্র স্বার্থ আশ্ফালন করে
কুণ্ডলি পাকানো সাপ ফণা তুলে প্রতি ঘরে-ঘরে ।
মানুষের মানে নেই, কৃষ্ণচূড়া স্মরণ জাগায় :
রক্তাক্ত শাণিত ছুরি ছিন্নভিন্ন করে জনতায় ।

হঠাৎ খবর পাই, কোলাহল স্তব্ধ হয়ে আসে
বৈশাখের দক্ষ দিন কাঁপে যেন উত্তপ্ত বাতাসে ।
যাদবপুরের মাঠে শিরিষের ছায়া দীর্ঘ হয়
বেলা পড়ে আসে, দেখি ঝড় আনে পরম বিস্ময় ।

আজকে দাঙ্গার নীতি, কীটজীর্ণ বিবর্ণ জীবন
কিশোর কবির মৃত্যু, দীর্ঘশ্বাসে ভরা প্রতিক্ষণ ।
ক্লান্তি আর অবসাদ অন্ধকারে ঘোরে চতুর্দিকে
জীবন-যৌবন সব রঙহীন অবাস্তব ফিকে ।

অকস্মাৎ মনে হয় মেঘে মিশে নবধারাজলে
তোমার চিতার ছাই রাশিরাশি সোনার ফসলে
ঝরবে বাংলার ক্ষেতে, মজুরের কৃষকের গানে
আবার বাঁচবে তুমি এ-মাটির উদ্দাম আহ্বানে ।

করোগেটের ছাত, নিমের ডাল আর দেবদারুর ফাঁক দিয়ে উত্তর-পশ্চিম কোণের খানিকটা আকাশ আমার অনেক দিনের চেনা। শরতের গোখলিতে আজ কামরাঙা রঙের রোদুরের রাজসভা। একটি শাদা মেঘ বহুক্ষণ থেকে প্রাসাদ তৈরি করেছে, তার চারিদিকে গভীর গাঢ় নীল, সে-নীল নেশার মতো, খুসির মতো ঘেন পেয়ে বসে।

প্রবাস থেকে ফিরে স্যুটকেস আর বর্ষাতি নামিয়ে ঘরের চাবি খোলার আগে কতবার পিছন ফিরে চেয়েছি। সেই লাল করোগেটের ছাত, সেই নিমের ডাল, সেই দেবদারুর কম্পিত শাখা আর অনেক দিনের চেনা অথচ সম্পূর্ণ নতুন একটি আকাশ উত্তর-পশ্চিম কোণ থেকে আমাকে অভ্যর্থনা করেছে।

এসেছে, এসেছে বৃষ্টি, প্লেটের রঙের মতো সমস্ত আকাশ মৃত। জানি এ-মেঘ চিরস্থায়ী নয়। চিরকাল থাকবে না প্লেট রঙের বর্ষা, কিন্তু তাদের পিছনে অনন্ত কালের খুসি নিয়ে একটি আকাশ অপেক্ষা করছে আমার জন্মে, বাংলা দেশের আশ্চর্য আকাশ, সেখানে কামরাঙা রঙের রোদুর, সেখানে নব-নব ছরাশার অভিযান, সেখানে গাঢ় নীল খুসি।

এক।

ভিন দিন ভিন রাত্রি বুষ্টির পর
ধবধবে রোদ্দুর ।
শরভের নীল । মন যায় কদ্দুর !
ভিন দিন ভিন রাত্রির পর ।
হয়তো কত দিন কেটে যাবে
মেঘ হবে পাহাড়ের চূড়া
হয়তো কতদিন যাবে কেটে
তারা হবে পাহাড়ের ফুল
হয়তো কেটে যাবে কত দিন
কত শত দিন ।

দাঁতে দাঁত চেপে
ট্রামের ভিড়ে চলেছো ।
অনেক দিন পরে দেখা, কী এনেছো ?
রায়বাহাদুর বাজার করে বাহাদুরি কেনেন
সবকিছু সঠিক চেনেন
চকচকে মরা ইলিশ থেকে আঁশটে জল ঝরে
অনেক দিন পরে
দেখা । কী এনেছো ?
এক ঝাঁক রজনীগন্ধা ঐ লোকটার হাতে—
একটু জায়গা চাই ট্রামের পা-দানিতে ।
পা মাড়ালো, আমা ছিঁড়লো, তবু চলেছো ।
আজকের হঠাৎ-উজ্জ্বল বিকেলে কী এনেছো

গান্ধীজী কি ম্যাজিক জানেন ?
স্বাধীন হয়ে কী পাচ্ছে রশেন ?

এক।

মরা দেশ মরা মানুষ কেলে পালালে ইংরেজ

গান্ধী টুপি আর মুসলমানী কেজ

স্টার্লিংয়ের দেনা

রাজকন্ঠের বিয়ের যৌতুকে দিয়েই দে না !

লাটের বাড়িতে স্বদেশী নিশেন

বুকটা কাঁপছে নাকি, রায়বাহাদুরি পেনসেন

হঠাৎ না ঘোচে !

তিন দিন তিন রাত্রির পর সূর্য চোখ মোছে ।

হঠাৎ শরতের নীল

হিন্দু-মুস্লিম মিল

—উঃ, ভিড়টা কমলে নাঁচি

পকেটমারের কাঁচি

হিন্দু-মুস্লিমের হাঁচি

তিন দিন তিন রাত্রির পর

দাদা রোদদুর

টালিগঞ্জ কদদুর ?

কী এনেছো তিন দিন তিন রাত্রির পর

কী এনেছো ?

এনেছি শরতের খুসি, এনেছি আকাশের নীল ।

(যত সব বাণে, কথার ভূষি)

এর নতুন স্টুডিবেকার

দাদার

ক নিয়ে তার স্বামী চলেছে আমেরিকা—

তিন দিন তিন রাত্রির পর

ভারপর

কী এনেছো ? কী এনেছো ?

এনেছি শরতের খুসি, এনেছি রৌদ্রের শুভ্রতা—

কী সব কাঁকা বুলির কাব্যিক কথা !

কিন্তু কী চাও ? কী চাও বলবে ?

সময়ের বালি ঝরবে, যৌবন মরবে,

সংসার চলবে ।

আরো কী চাও বলবে ?

বিকেলের রোমান্টিক আড্ডার পিঠে বুদ্ধিজীবী সহিস

চিঁড়ে-ভাজা চা সহযোগে পিকাসো-মাতিস

কিংবা ফিক্‌থ্‌ সিন্‌ফনি

মুহু টিপ্সনি

বুঝেছো পলিটিক্যাল কাঁকি

মিরাক্যাল না হাতি, গান্ধী নেহাৎই লাকি ।

কলকাতা আশ্চর্য সহর

ঠিক প্যারিসের পর ।

হায়, জানি না প্যারিস কদর

এখানে নেহাৎই দেশী রোদ্‌র ।

তিন দিন তিন রাত্রির পর

আর কী চাইবে ? কিংবা পাবে ?

অল্প-অল্প চিঁড়ে-ভাজা থাকবে ।

আলমারিতে করাসি বই

ইনটেলেকচুয়াল মই

একা

মাঝে-মাঝে চেরি ত্র্যাণ্ডির কঁকে

কয়েকবার বিপ্লবের কথা হাঁকে

কিছুতেই কিছু হয় না।

বাঁধা বুলির ময়না

আকাশের আশ্চর্য রোদ চোখে নয় না।

তিন দিন তিন রাত্রির পরের বিকেল শেষ হোলো

আবার হাওয়া বইছে জোলো।

মেঘ জমছে

হয়তো বৃষ্টি নামবে

কন্ট্রোলের ছাতাটা কই ?

আর পুরনো বই—

সত্যিই মেঘ জমছে

সত্যিই বালি ঝরছে

রাত দশটার ড্রাম বেশ ফাঁকা

একা। -ফিরছি একা।

বিকলে আশ্চর্য আলো । সূর্য-কণ্ড কালো-কালো দীর্ঘ-দীর্ঘ পথ
সহরের হৃৎপিণ্ড রক্তাক্ত নেশায় শুক, মৃত্যুর শপথ ।
মৃত্যু-ভয় উর্ণা-জালে জীবনের চতুর্দিকে জটিল পাহারা
ট্যান্ডিতে অঙ্গরা-ওড়া রাত-জাগা চৌরজির আজ কী চেহারা !

জানি আজ গান মানে নেই
শঙ্কাতুর মন ভয়ে অচিরে পাবেই
পরিচিত মৃত্যুর আশ্রাণ
যৌবনের পান-পাত্র চূর্ণ খান-খান ।

রুদ্ধশ্বাস জনতার উর্দ্ধশ্বাস কদমাক্ত দেহ
স্থলে-জলে একাকার । কানে-কানে বলে গেল কেহ :
কুকুর-ভিক্ষুক জমে বড়-বড় গাড়ি-বারান্দার
মৃত্যুকে ঘনাতে দেখি অনর্থক মত্ত ব্যর্থতায় ।

লালসার লোল গর্ভে জানি আমি নেই কোনো ক্ষমা
জীবন সমাধি পায় আরণ্যক যামিনী ত্রিযামা ।
শরতের কাশবন মেঘ হয়ে যেন উড়ে যায়
বিন্দু-বিন্দু বৃষ্টির কোঁটায়
গুচ্ছ-গুচ্ছ হীরের ফসলে
মোটরের শাদা কাঁচ অকস্মাৎ জলে ।
ভারপর মাঠ ।
মাঠ আসে সবুজ উদ্দাম ঘাসে ।
মুহুর্তের মধ্যে তা-ও মুছে যায় আবির্ভাব-আকাশে ।

বিকেলের নদী

নির্জনতা দিয়ে শুধু বারবার নির্জনতা গড়ি
ঝিঁঝিঁদের আঁর্তনাদে ভগ্নপাত্রে মুষ্টি ভিক্ষা করি।
সূর্যরশ্মি দেখি করে কালান্তক শ্রুতান্ত বিকেলে
বাকানো ছুরির স্বাদে বলো তুমি আরো কী-কী পেলো ?

যদি সেই নদীখানি এই তাম্র বক চিরে প্রবাহিত হয়
চেতনার বন্ধ দ্বারে চাঁদ এক উঠে আসে, আলোর-আলোর
আমাদের রাহুযুক্ত মন,
হয়তো তখন
গান হবে অর্থময় হেমন্তের ফসলের মতো
বাকানো ছুরির স্বাদ সেই দিন ভুলবো অস্বস্ত।

৩

বিশাখীর মেঘ সন্ন্যাসীর জটা
আগুনের দীর্ঘ সাপ বিছাড়ের ছটা।
বৃষ্টির আগের ঝড়ে লবণাক্ত দেহ
বারে-বারে পেতে চায় গভীর স্নেহ
শ্যামল মৃগ স্পর্শ। প্রলয়ের গানে
বোবনের পাত্র পূর্ণ মৃত্যুর আস্থানে।
তখন স্মরণ করি : অবশেষে যদি
ফিরে পাই রোজ-রাঙা বিকেলের নদী।

রণ্য আছে শাপদ-সকুল
প্রিয় আছে। আকিমের ফুল
হি আর নেশা দেয়, ভালোবাসা নেই—
হরের ভাঙা-ছাড়ে ঘুণ ধরছেই।

বিকেলের নদী

রৌজ যদি মেঘ হয়, মেঘ হয় পাহাড়ের মতো
মৃত্যু যদি জন্ম হয়, জন্ম হয় জীবন অন্তত ।
রৌজ-রাঙা নদী যদি ঘন নীল দিগন্তে মিলায়
ধারালো বঙ্কিম ছুরি ভুলে যাবে রজনীগন্ধায় ।

৪

কী আছে আশ্বাস ?
ট্রাম থেকে নেমে ভাবি বড় জোর তাস ।
বন্ধ ঘরে ধূত চৌধ, জোরালো আলোয়
কখনো বা মিটমিটে । কখনো শিরায়
আলা ধরে । কখনো কি পাবে তাকে কিরে ?
যে-জীবন চলে গেছে, হঠাৎ শিশিরে ?

শাণ্টিঙের শব্দ শোনা যায়
মিটমিটে আলো জ্বলে, পৃথিবী বিমায়
ক্লাস্তির গাছছা পেতে কয়েকটি হাটুরে
মাঝ-রাতে প্যাসেঞ্জারে যাবে কিছু দূরে ।
তারপর হয়তো বা বি'বি'-ডাকা গ্রাম
কী জানি কী নাম ।

মাঝেমাঝে কখনো শেয়াল ডাকে
রাতচরা পাখী আর পাহারারা হাঁকে ।
তারা থেকে হয়তো শিশির ঝরে
পাতা নড়ে ।

বিড়ির লালচে মাথা এক কোণে মাঝে মাঝে জ্বলে
বৃক-ভাঙা কাশি আর ঘুম-ভাঙা তারা টলটলে ।

চা খাবে ? (নিজেকে প্রশ্ন) ভাঙা আর কাটা পেয়ালার
 অথবা মাটির ভাঙে গুড় গুলে ? (চিনি নেই হায়) ।
 বিমস্ত অম্পষ্ট লোক কাঁপা-হাতে-গরম চা ঢালে
 (এরি মতো কেউ বুঝি ভেসেছিলো উত্তরের খালে) ।
 বিশ্বাদ পেয়ালো চোটে আতঙ্কিত মনে পড়ে কালকের কথা
 ক্লাইভের পথ ধরে ইতস্তত হাঁটা আর ভাবনা অযথা ।
 এক-রোখা সূর্য ধূ-ধূ শান-বাধা পথে-পথে বেপরোয়া ঘোরে
 গলির কাছের মোড়ে এলেই পিঠটা যেন সিরসির করে ।
 মানুষের মুখগুলো কিন্তু ছবির মতো আঁকা হয়ে গেছে,
 সামনে-পিছনে লোকে নিজের মৃত্যুকে শুধু কেবলি খুঁজছে ।
 বিড়ির ধোঁয়ায় কাশি ।—তারপর বিকেলের ভাবি নানা কথা
 দক্ষিণে দরজা খোলা মস্ত হাওয়ার দিনে আজ কলকাতা ।
 কিরবো কিনা একেবারে জানা নেই, হায় জানা নেই
 যুগে পচা মড়ার ভ্যাপসা ঘরে গিয়েছি আগেই ।

৫

অরণ্য অরণ্য শুধু । স্বাপদের মতো চোখ নেভে আর জলে
 কোথায় সোনার গাছে হীরের ফসল বুঝি এখনও ফলে ।
 দিনগুলো উজ্জ্বল-আঁকা, রাতগুলো কালো-কালো ফেরারী আসামী
 মাটির আঁচড় কটে লঙ্কা ভাগ করে এক ধূর্ত কালনেমি ।
 আর অসহযোগের সেই তীব্র আন্দোলনে
 আর দুর্ভিক্ষ-শাশানে আর বিরাট প্রাচীন
 বেঁচে মরে আমরা রয়েছি ঘরে বহু লক্ষবার—
 হয়ে লুকোচুরি তবুও ধারালো ছুরি আঁজকে দাঙ্গার ।

বিকেলের নদী

হরতো শিকড় নেছে পৃথিবীর স্নিগ্ধতার ঘন অন্ধকারে
হরতো মাটির নীচে বুকের ছায়ার শ্যাম নিষ্করিনী করে ।
অক্ষ আর হাহাকার আলিঙ্গন করে দেখি কবরে-শ্রাণে
ভাসা-ভাসা চোখ ছুটি, ভাঙা-ভাঙা কান্না-হাসি—জানো তার মানে ?
তাই তো হঠাৎ মনে আশার কসল হয়ে ওই বড় ওঠে
কেলে-আসা দিনগুলি হলদে-সোনালি কূলে অকস্মাৎ কোটে ।
আমাদের আছে মাটি লাঙল কসল আর সুবর্ণ মরাই
বর্ষর রাজার নীতি রূপেরা সবল বুকে আঁমরা নিশ্চই ।
তারপর শৈশবের স্বপ্ন-দেখা মর্মরিড স্বচ্ছ মদীখানি
কসলের গান হয়ে দিগন্ত ভাসিয়ে দিয়ে আসবেই জানি ।
সে-নদী দেখেছি আমি বিকেলে হলুদ-নীলে উজ্জ্বল আলোর
ক্ষণিকের স্বচ্ছ চোখ অনারাসে মুছে দেবে অতীত প্রলয় ।

